

အပိုင်း ကျေးဇူးတင်ကြား



- ကဲန်းဘဲ, - အပိုမ် ကျော့;စံဝ်ဖြား ၂
- ကဲအီးကလ္လကျော့; - တော်င်းစိင်၊ မာည်းလူကျာ၊ ဆာင်အော်င်
- တည်းကျော့; - တအာင်းရူမာည်း
- ကဲအီးစဲတ်မဲန်း - ဆဲင်မည်၊ တော်င်းစိင်၊ မာည်းလူကျာ၊ ဆာင်အော်င်
- ဘော်က်စဲတ်မဲန်း - ဘော်က် အူ
- ဆည်းလည်လေး; - ပကျိုဝ်းဖိုန်၊ ဆာင်နမ့် ၂၀၁၈

Title : Bible Stories - 2
Translated by : Taung Sein, Mai Lu Jar, San Aung
Language : Ta'ang Rumai
Edited by : Seng Mai, Taung Sein, Mai Lu Jar, San Aung
Edition : 1st Edition
Date : April 2018

Translated from the English *Open Bible* Stories. Original work available at unfoldingWord.org/stories



This work is licensed under the Creative Commons Attribution-NonCommercial-ShareAlike 4.0 International License. To view a copy of this license, visit <http://creativecommons.org/licenses/by-nc-sa/4.0/> or send a letter to Creative Commons, PO Box 1866, Mountain View, CA 94042, USA.

ယေးမှာန်းဒဲးဆူး အီးမိုးပံပ်အီးတော,အရောင် အီးခိုဝ်းနဲ့လောင်တြားစံပ်ဖြားနီး
နှောင်းပေန်မာင်ကလာ စာဓါးစည်းအဲကဲ အီးဂေါ်ည်း တဲင်းကံမ်ဖာတော်န်းဒီး
ဟံ့။

ခံပ်ကင်္ဂီ ကေန်းဘေ,

၁၁။ ပ္လိည်းပတခါ

၁၂။ ဘည်ဘည်း လည်လေးဟောင်း ဒကိုင်းအီဇိပ်

၁၃။ ကတိဆတ်စာပံင်ရဲန်း စံင်ဖြား တံ့အိတရေလကဲ

၁၄။ ဘည်ဘည်းလှယ်စီး လှယ်ဟောင်း ခဲင်းဘုည်းပါင်ဒါင်း

၁၅။ ကိုင်းဒီအုန်းတက်ကတိ

၁၆။ ချေးအီးချော်တ်လာည်း လည်လေးကဲ

၁၇။ ကတိဆတ်စာ ပံင်ရဲန်းစံင်ဖြားတံ့ဒါဇေက်

၁၈။ ကိုင်းလှိုင်းဒါဇေက်

၁၉။ ပရောဖဲတ်ကဲ

၂၀။ ဘည်ဘည်း ကညားချုးလှိုည်းလည်လေးဒကိုင်း ကည်း ဘည်ဘာ

ည်းစီးစီးဒေး

၁၁။ ဧည့်သည်ပုဂ္ဂိုလ်



ကျမ်းလည်လေးဟောင်း ၁၁:၁-၁၂၊ ၃၂



စံပ်ဖြား စီဒဲးအုန်းဆတိ တံတားကညားဒါင်းဖာရော ဒါး; “ဆာ်မည်းအာဝ်ဒဲး; အိတရေလကဲလည်လေးဟောင်း၊ ကော်န်းအီးမည်းဒါင်းပဲ ကာည်း တိုဆံတ် တိုက လိုင်း ပံင်မဲးပဲ နံင်ယာ်မ်းဒိုဒို။” ကံပ်ဘာည်းဇဲန်းမာ် တားကညားဒါင်းဖာရောဒီး အုန်းအာဝ်တညာ်းမ ကျေားစံပ်ဖြား။




အီးမိုးစားကဲအီးတညာ်းကျေားစံပ်ဖြား တော်န်းအိုင်ဟိုမ်းကဲဒီးအခည်း၊ စာကဲနံင်ကံပ်ဘိုန်းချော်တ်လာည်း ကော်န်းအီးမည်းဒါင်းကဲ၊ စံပ်ဖြားစီဒဲးကဲ ရေားလာည်း ပူး ဆာ်ဘူမိုးမာ် ဘဲ တိုအုန်းအီးကွန်းချို၊အုန်း၊ စီဒဲးကဲပယာ်မ်းဇိုန် တိုဆံတ်ဒီး။



ဓါည်းဒီး ကဲလိုတဲးနာမ်းတိုဆံတ်ဒီး ကျည်းတံင်မိုည်,ပလို;ခလဲပ်၊ အီးမိုး
 ယင်းအန်းအည်း ကဲစီလိုတံင်းဖ်း ရဲန်းပျိုည်းဒါင်း စီဟိုမ်းတော,ခမူန်း အန်းအီး
 လော်တ်ပဲင်း။ ဘိုဝ်ဟိုမ်းကဲ ကဲလိုရဲန်း နှာင်းတံန်း၊ စာနံင်လည်လေးဒဲင်းဟောင်း ဒကိုင်
 အီဇိပ်ဒီးဟာ်။



အိတရေလကဲဒီးမံင် စီတညောင်းလာည်းကျေားစံင်ဖြား စီရဲန်းတော,ပေါ,
 ဘာည်းဒါ;အုန်းအန်းစံင် တော်န်းမျိုးတော်န်းလော။ ဆဲမ်းဒီးပေါ, စံင်နှာင်းပျိုည်း
 စီလေးဒဲး;ပယာမ်းစိုန်ဒို့ ဂါဆိင်မိုး ကော်န်းအီးမာည်းဒါင်း အီဇိပ်ကဲ။



ဂါဆိင်မိုး တံင်မိုည်,ပျိုးခလေပ် အိတရေလကဲပီပည်မဲးမံ ကဲဟည်ကျည်း အူန်းဒိုနာမ်း၊ ဂေါ,မိုးဘာည်းဇဲန်း စံင်နာင်းပျိုပျိုန်းမံ စီခလေးဟောင်း ခလေပ်ကဲ ဒီး။ ဂေါ,မိုးလိုင်းနာမ်း တိုဆံတ်ဒီး အိတရေလကဲ စီဟည်ဘိုန်းဒို ဂေါည်းအဆာက် အိမ်းဟာ်။



ဘည်ဘာည်းမံ အီဇိပ်ကဲ စီအာင်ညှဲမ်အာင်တညောင်းမ ကျားစံပ်ဖြား။ ဂေါ,မိုးဘာည်းဇဲန်း စံင်နာင်းပျိုပျိုန်းမံ ဘူခလေးဘိုန်ဟောင်းမ ခလေပ်ကဲကဲဒီး စီပယာမ်းဗိုန်ဒို ကော်န်းအီးမာည်းဒါင်းကဲဟာ်။



ဂါဆိင်မိုး ကော်န်းအီးမာည်းဒါင်းကဲ တယ်ပေါ, အန်းအီးဂေါ်ည်းပျိုခဲင်း ထောင် တော်ကံပ်စမ်း ကော်န်းအီးမာည်းဒါင်း တားကညျားဒါင်းဖာရော ကဲဟည်ယာမ်းဟောင်းဒို့။ ဘိုန်ဇဲန်း တူအီးကိုင်းအိဇိပ်ကဲမာ် စီအူးအောင်းယာမ်း လာ်ပေါ,ခည်းခည်းဟာ်။



ဘိုန်ဇဲန်း တားကညျားဒါင်းဖာရောမာ် ဟည်တဲ,ကလောင်းလာ်ပေါ, တာ် မောဆေကာည်းအာရိုန် ဒါ်; “ဂါဆိင်မိုး အိတရေလပဲပျိုပည်မဲး တဲ,လည်လေး ဟောင်းပေါ,စံင်နည်နီး ဒကိုင်းအိဇိပ်နီး။” အီးမိုးတူအီးကိုင်းအိဇိပ်ကဲမာ် ဟည်ဆူည် ပေါ, အိတရေလကဲ ဒဲင်းလည်လေးဟောင်း။



ဂါဆိင်မိုး ကော်န်းအီးမာည်းဒါင်းကဲ တယ်ပေါ, အန်းအီးဂေါ်ည်းပျို ခဲင်း ထောင် တော်ကံပ်စမ်း ကော်န်းအီးမာည်းဒါင်း တားကညျားဒါင်းဖာရော ကဲဟည်ယာမ်းဟောင်းဒို့။ ဘိုန်ဇဲန်း တူအီးကိုင်းအီဇိပ်ကဲမာ် စီအူးအောင်းယာမ်း လာ်ပေါ,ခည်းခည်းဟာ်။




ဘိုန်ဇဲန်း တားကညျားဒါင်းဖာရောမာ် ဟည်တဲ,ကလောင်းလာ်ပေါ, တာ် မောဆေကာည်းအာရိုန် ဒါ်; “ဂါဆိင်မိုး အိတရေလပဲပျိုပည်မဲး တဲ,လည်လေး ဟောင်းပေါ,စံင်နည်နီး ဒကိုင်းအီဇိပ်နီး။” အီးမိုးတူအီးကိုင်းအီဇိပ်ကဲမာ် ဟည်ဆူည် ပေါ, အိတရေလကဲ ဒဲင်းလည်လေးဟောင်း။

၁၂။ ဘဉ်ဘာဉ်း လဉ်လေးဟောင်း ဒကိုင်းအိဉ်



ကျမ်းလဉ်လေးဟောင်း ၁၂:၃၃-၁၅:၂၁



အိတရေလကဲမာ် မအဲးခိုည်းပျော်ပေါ,အခည်း၊ ကဲဟည်ဘိုန်းလတ်
 လည်လေးဟောင်း ဒကိုင်အိဇိပ်ဒီး။ ကဲဘူလိမရဲန်းခါပံင်ဆူည်,အီး။ ကဲစီလည်
 လေးဟောင်း ပါ့ ကိုင်း ဒီဒဲးစံင်ဖြားကတိ တံ့ကဲ။ အိဇိပ်ကဲမာ် ဟည်ဒဲးဘိုးတံ့ကဲ
 ရိုန်းခြီး ဒဇဲန်းအောင်းဇါ် န်း ဂျိုးအီးမဲးငေါးခံန်းဒါင်းမာ် ဒဲးတော,ဟောင်းတံ့ကဲ
 ဂိုန်းပေါ,အခည်း။ အိဇိပ်ကဲအီးညျေမ်စံင်ဖြားကလံက်မာ် စီတံ့နတော,ဟောင်းဒို
 တော,ကဲဟံ့။




စာနံင်န့ဒဲး တံ့ကဲအိုန်ဒါ် န်း ဆာ်မိုးခည်ဆငည်း စံင်ဖြားစီဒါးရံင်းအုင်အူ,ဒါင်း
 န့ဒဲး။ ဆာ်မိုးခည်ဆဲမ်း စီဒါးရံင်းငည်းဒါင်း န့ဒဲး။ စံင်ဖြားမာ် ဂေါ်ည်းဟောင်းဘိုး
 တော,ကဲဆေဆေ စီအောန့ဒဲး အိုန်ဒါ် န်းဟောင်းကဲ။ အီးမိုးကဲအခည်း ကဲစီလိုလို့ည်
 တညောင်းရဲန်းဟောင်း တော,ဘည်ဒါ်;စံင်ဖြား တံ့ကဲ။



ဓါည်းဒီးအာဝ်လှာ်နး တားကညျားဒါင်းဖာရော ကာည်းတူအီးအန်းကဲမ်
 နေးကဲစီဟည်ဗီးကတ္တည်ဒေး၊ ကဲဟည်ဆိုင်ဒဲးဘိုး အိတရေလကဲ ဗီးရဲန်း
 ခါပံင်ဆူည်ကဲ။ ပံင်ဘာည်းကဲဒီးပျီပည်မဲးမ် မိုးစံးဖြား စံင်ချာင်အူန်း နှာင်းဖု
 င်းတာန်းခိုးအန်း ဟိုဝ်ပျိုင်၊ ဂေါ၊မိုးအန်းဆိုင်ဒဲးကဲနာ်၊ အန်းမဲးတာန်ခိုးဒါင်း မှ
 ယ်ခူ တားကညျားဒါင်းဖာရော ကာည်း မှယ်ခူဖြား ပံင်ဂျေပ်တားကညျားဖာရော
 ဟာ်။



ဂေါ၊မိုးဘာည်းဇဲန်း တားကညျားဒါင်းဖာရော ကာည်း ကော်န်းနာန်းအန်းကဲ
 လှိုည်းဒေးကမ်း အိတရေလကဲ။ ဘိုဝ်ယဲဝ်းအိတရေလကဲတ် ကော်န်းနာန်းအီဇိပ်
 ကဲ တော၊ဒေးလဘာ်နးကဲ၊ ကဲဟည်နုလူးပေါ၊ အီးမိုးအိုန်ဒါ်နးဟာဝ်းကဲ ဟည်တဘိ၊
 ဟည်ဇေးညားခနား အဲမ်းပါင်လာည်ရဲန်း ကာည်း ကော်န်းနာန်းကဲအီဇိပ်ကဲ။ ကဲ
 ဟည်ကစားကဒိုန်းယံဝ်းပေါ၊အခည်း၊ ကဲစီအူးယာမ်းဒါ် "ဆိမ်ဘာည်း အဲဆမ်လည်
 လေးဒေး ဒဲကိုင်အီဇိပ်ဒီး။ စံင်နည်နီး အဲနံင်ဘူလော်တ်မ နံင်ယာ်မ်းဒိုဟာ်။"



မောဆေစီဒါးတံ့ကဲ “ပဲခူယံဝ်းနား၊ စံဝ်ဖြားနံင်ဂေါ်ညးကဇော်ညး တိုက်ဒဲး အူန်း ညျာအဲ၊ အဲနံင်လော်တ်အူန်းဒို။” ဓါညးဒီး စံဝ်ဖြားစီဒါးတံ့မောဆေ “ဆူညး၊ တူအီးကဲကဲဒီး ခလေားဟောင်း ပါင်လာညးရ်နးဒီး။”



ဘိုန်ဇဲန်း နှာင်းကော်န်းနာန်းအီဇိပ်ကဲ ကံပ်ဘူယဲဝ်းတိုဝ်း အိတရလကဲ၊ ရံင်းအိုင်အူဒါင်းဒီး စီဂျဲတ်ကောင်းအူန်းလာ် ခနားကဲဟံ့။



မောဆေစီဇိုက်လာ်တည်းအန်း တောင်းပါင်လာည်ဒီး၊ ဘိုန်ဇဲန်း စံပ်ဖြားစီ
 ဟည်ဒဲးခူးဒါင်း ပူ, တောင်းအဲမ်းပါင်လာည်ဒီး။ အီးမိုးခူးလောင်းမာ် ပူ,ဟပ်အဲမ်း
 ပါင်လာည်ဒီး ကံပ်ကကားပေန်အယ်ဖာက် စီပေန်အိုန်ဒါ်နန်းဟောင်း အူဆဲန်။

ဘိုန်ဇဲန်း အိတရေလကဲစီခလေးဟောင်းလိုင်ဇ်နန်း တံင်အိုန်ဒါ်နန်း
 ကတာည်း ကဒည်အဲမ်းပါင်လာည်ဒီး။ ဇိုည်ယာမ်းဇဲန်း အီးမိုးအဲမ်းမာ် ဟည်
 ပေန်ဘာည်းပေါ, ရဲင်းလိုင်ဇ်နန်း စီတဇိုင်းကိုတ်အူန်း ပါ် အယ်ကဒါ။



ဘိုဝ်ဟိုက်ဟာဝ်း ရံင်းအုင်အူဒါင်းဒီးတတ် ပါ့ပျိုန်း၊ အီဇိပ်ကဲမတ် စီယဲဝ်းလာ် အိတရေလကဲ ဟည်ခလေားဟာဝ်းစ်မ်းဟော်ည်၊ ညှာဒအဲမ်းပါင်လာည်။ ဘိုန် ဇဲန်း ကဲစီကဘျိုဝ်းနေားကဲ ဒါးနံင်လို့ည်းဟာဝ်းလဘော်န်း အိတရေလကဲ။



ဂေါ၊မိုးဘာည်းဇဲန်း ကဲစီတော၊ဟာဝ်းလဘော်န်း အိတရေလကဲ တော၊ အိုန်ဒါန်း ကဒည်အဲမ်းဒီး။ ဘည်ဘာည်းမတ် စံပ်ဖြားစီရဲန်းဒဲး ကဲကတူးကညား ဖေးဒါင်း။ အီးမိုးလောအိုမ်ဘျိုင်းကဲပါပည်မဲးမတ် ဟည်ဟံက်ဒို၊ ဘိုန်ဇဲန်း ကဲစီ ရိုင်းအောင်းဒါး “ဒဲင်းဒိုဒို ဒဲင်းဒိုဒို၊ စံပ်ဖြား ဟည်ကဇော်ည်ကတိုက်ဒဲး ညှာခည် အိတရေလကဲ။”




ဘိုဝ်ဟောင်းစမ်းဟော်ည်, အိတရေလကဲတ် ညှာဒပါင်းအဲမ်း ကရီး
 ကတီး၊ စံဝ်ဖြားစီဆူည်, မောဆေမီးဇိုက်ဘိုး တည်းအန်း။ စံန်မောဆေ ရဲန်း
 တော,ဘာည်းဒါး;စံဝ်ဖြားမာ် အဲမ်းပါင်လာည်ဒါင်းဒီး ဟည်ညှိုက်ဆော; ဟောင်း
 ပေါ,ဒိုဒို ကော်န်းနာန်းအီဇိပ်ကဲ။ ဘိုန်ဇဲန်း အီးမိုးအဲမ်းပါင်လာည်ဒီးမာ် ဟည်စီး
 ဘာည်းဘိုး အီးပျိမ်းအန်းဟာံ။ ဂေါ,မိုးဘာည်းဇဲန်း ကော်န်းနာန်း အီဇိပ်ကဲ ပါပ
 ည်မဲးမာ် ဟည်စိုမ်ယာ်မ်းဒို တိုင်ခဲင်းအဲမ်းပါင်လာည်ဒီး။



ဘိုဝ်ယဲဝ်းအိတရေလကဲတ် ကော်န်းနာန်းအီဇိပ်ကဲ ဟည်ယာ်မ်းခဲင်း
 အဲမ်းဒီး၊ ကဲစီဟည်နာ်, ဟည်ညှေ့မ်ပေါ, မောဆေ မိုး ပရောဖဲတ်ပံင်ဆူည်,
 ပံင်တိုန်းလေးဒဲး; စံဝ်ဖြားဟာံ။




ကဲမာ် မအဲးခိုည်းပျော်ပေါ,ခည်း ဂေါ,မိုးစံပ်ဖြား ချော်တ်လည်လေးဒဲးကဲ ဒပေန်ကဲတ် ခါပံင်ဆူည်,အီး ကာည်း ဒဖေးယာ်မ်း။ စံင်နည်ကဲမာ် ဟည်ဘိုန်းဇိုက် ဖိုက်ခိုည်းတော, ကေးစူးစံပ်ဖြားချို,ချို, ဟည်ဘူမဲးအန်းအီးဒဲးကံဝ်ကဲ။ ဂေါ,မိုး ဘာည်းဇဲန်း ကဲစီဒါ; မှော်, ဒါ; ဆတောင်း, ဒါ; လဲဝ်း ကာဗဲန် ဇိုက်ဖိုက်ခိုည်း တော, ကေးစူးစံပ်ဖြား ဂေါ,မိုးအန်းစံပ် ဟည်ချော်တ်လာည်းကဲ။



ဂေါ,မိုး ကဲဟည်ဘိုန်းလော်တ်ဒဲးဒ ခဲင်းတည်းယာန်ဆူအီဇိပ်ကဲ အာဝ်ဇိုန်း ဘိုန်းလော်တ်ဘိုး ဒပေန်တတ် ဇိုခါပံင်ဆူည်,အီးဒီး၊ စာကဲနံင်နလူး နံင်ကအာ်မ်း ပံင် ရဲန်းဒဲး စံပ်ဖြား တံ့ကဲ၊ စံပ်ဖြား စီတတ်မ်း တံ့ကဲ နှင်းကဲရဲန်းပျော်ည်းပတခါ တော်န်းဆာင်နမ်း တော်န်းဆာင်နမ်းဟံ့။ ဆာ်ရဲန်းပျော်ည်းလှေဒီး၊ ကဲစီပယာ်မ်းဒါး ပူးအီးကွန်းချို,အန်း အူတို၊ စီရဲန်းလတ် ပံင်ဟိုမ်းပံင်စိုင်း၊ ကဲစီကလာင်း လော်င် ဘည်ဘာည်း စံပ်ဖြား ချော်တ်လည်လေးဒဲးကဲ ဒခဲင်းကိုင်းအီဇိပ်။

၁၃။ ကတိဆေတ်စာပံင်ရေန်း စံင်ဖြား တံ့အိတရေလကံ

ကျမ်းလည်လေးဟောင်း ၁၉-၃၄



ဓါည်းအောလည်လေး စံပ်ဖြားတတ် အိတရေလကဲ ခလေားဟောင်းအဲမ်း ပါင်လာည်ရန်ဒီး၊ အန်းစံပ်စီအောဘိုး ကဲခလေားဘျည်းပါင်ဒါင်း စီဟောင်းဇူး ပျိုနောတိနု။ တူအီးကဲဒီးမာ် စီရဲန်းလတ်ထင်းဒဲ့ ဒီနံင်ဂေါ်ည်းကဲ တော၊ဇာ်န်းနော တိနဒီး။



စံပ်ဖြားစီဒါ် တံ့မောဆေကာည်းအိတရေလကဲ “ဆာ်ပဲတညောင်းလာည်း ကျေားအံင်၊ ဂေါ်ည်းတော၊ ကတိအူန်းအံင်၊ ပဲနံင်ဘိုန်းစာမ်ချဲမ်းအံင် ဒဇဲန်း အာင်ဓါ်န်း နံင်ပေန်ဘိုး ခြိုဝ်းတားစော်င်း၊ ကာည်း တူအီးခြိုဝ်းမျိုး အန်းအီးချို၊ ဆငါးနား။”



ဓါည်းဒီးအိုည်းဆည်း၊ တူအီးကဲဒီးစီဂေါ်ည်းခမ္မိအူန်း၊ ဘိုန်ဇဲန်းစံပ်ဖြား
 စီလေးဒေး၊ တော၊ဟ်မ်းဘုင်းလုင်း၊ ဟ်မ်းကဆားဟ်မ်းဘျည်း၊ ဘုင်ညှာ်ည်း၊
 အာပ်ဗံင်း၊ တော၊ဘိုးဟ်မ်းကနံ့ဒါင်း တောင်းစီကဲနောတိနဒီး။ မိုးလို့ည် မောဆေ
 အူချေး၊ ဘိုန်းဟိုက်ဟောင်း ပါ့တောင်းစီကဲနောတိနဒီး။



စံပ်ဖြားစီရဲန်းဒေး ကတိဆေတ်စာ တံ့ကဲ၊ စီဒါ်၊ “အံင်းမိုး၊ စံင်းကညျား
 အီးမိုးစံပ်ဖြားပဲ၊ မိုးအန်းအီးလာည်းလည်လေးဒေးပဲ ဒပေန်ပဲတ် ခါပံင်ဆူည်၊
 အီး ပါ့ကိုင်းအိဇိပ်၊ ပဲခူဂျေပ်ဖြား အီးဟည်းကဲနား။”



"ခုရဲရဲနဲး အရာင်ပံင်ဂျေပ်၊ ခူဂျေပ် စားကဲဒီး၊ ဂေါ၊မိုးအံဝ်းအီးမိုး စံင်ကညျား စံင်ဖြားပဲ မိုးဖြားဆမားအူန်းနော့ဆကော့။ ခူရဲရဲနဲး အာဝ်ဆောန်အာဝ်ဆာင်း ဇိုင်စံင်ဖြား။ ပဲလိုနလူးအူန်း ဆငည်းဆတောင်းဒီး စာနံင်ရဲရဲနဲး နှာင်းအန်းချီ၊ဆငါး။ ခဲင်းတောဆငည်းဒီး ပဲဘိုန်းအူန်း ရဲရဲနဲးဇိုင်ကည်းပဲပါပည်မဲး၊ ဂေါ၊မိုး ဆငည်း ပူဒီး မိုးဆငည်းအိုင်လှဲဝ်း စာနံင်နလူးတတ် စံင်ဖြားပဲနား။"



"ယိုဆေလူမ်းလား ကူန်းမားမည်း။ ခူပတတ်ယာမ်းအဆာက်တူအီး။ ခူဟောင်း ကလူည်၊ တံ့အိုင်ဟိုမ်းအီး။ ခူဘျားလံ့အီး။ ခူခလံဝ်းအီး။ အီးမိုးပီးအီး၊ ခလဲပ်အီး၊ ဂျိုးအုက်စာအီး ခူမဲးနော့ ဆိုင်ဘိုန်းနား။"

အီးမိုးဆိန်ပိင်ညာပ်ကိုဝ်းပါးဒီး၊ စံပ်ဖြားစီကိက်ဟပ်ဖ်း၊ တိုင်မာဝ်း အယ်ချဲပ် စီဒဲး တံ့မောဆေ။ ဘိုန်ဒ ဆိန်ပိင်ညာပ်ကိုဝ်းပါးဒီး၊ အီးမိုးဘိုး ဆိန်တြားကဲမျိုးအီး ဟည်း ကာည်း ပံင်လိုတံ့လာ်ကံမ်ကျောင်းတော်န်းမျိုးမာ် အန်းစံပ် ဒဲးအူန်း။ ဆာ်ကဲကံမ်ကျောင်းတော၊ ဆိန်တြားကဲဒီး၊ စံပ်ဖြားစီဒဲးအူန်းကတိ ဒါးအန်းနံင်ဒဲး ကောင်းမာင်ဂလာချို၊ တံ့ကဲ၊ စီနံင်တိုဝ်းမေန်း ဂျဲတ်ဒဲးဘိုး ဖေးစာကဲ။ ဆာ်ကဲ အာဝ်ကံမ်ကျောင်းရဲန်းတော၊အခည်း၊ ကဲစီနံင်ကတူးကညား တံမ်ဒဲးအန်းစံပ်ဟံ့။




စံပ်ဖြားစီကလောင်းနဲ့ အိတရေလကဲ ဘည်ဘာည်း နံင်လိုကဲတံ့လာ်ရဲန်း ထောင်း ပံင်ဆိုင်ဒဲးအန်းကဲ တံ့လာ်ရဲန်း။ အီးမိုးထောင်းဒီး အီးစီနံင်တေ၊ဒါးလာ် ထောင်း ဒီလည်ယေဝ်းကအုပ်ကမိုန်အီး။ အီးမိုးထောင်း ဒီလည်ယေဝ်းကအုပ်ကမိုန် ဒီးမာ် လိုဒါးတံက်ရဲင်း စီရဲန်းနှောင်းမဲးဟော်င်အယ်ဟော်င်။ ဘိုန်ဒ တားအော ဒါင်းတားစော်င်း၊ ချေးမဲ့မာ် အာဝ်ဘိုန်းမ လေပ်ပျိုဟော်င် အီးဂေါ်ည်းလဘာ်န်း တံက်ရဲင်းဒီး။ ဆိမ်ဘာည်းဆမ်ဒါးလာ်ဘာည်းဇဲန်း ဂေါ၊မိုး စံပ်ဖြား ဂေါ်ည်းတံင်ဒီး။



ဂေါ,မိုး မောဆေဂီဟိုက်ကအုပ်ကမိုန် ဂေါ်ညးလှာ်နးယာ်း တော,စံပ်ဖြား ပါ်တေင်းနော တိန၊ ကဲအီးပည်နံက်အန်း ပါ်ဇာ်နးနောကဲဒီးမာ် ဟည်ဘူဘယ်လ် ဂေါ်ညးပည်နံက် အန်းစီးလေးဒေး။ ဘိုန်ဇဲန်း ကဲစီတေးလ် ခြီးပံင်ဒိုညးဒေးကဲ၊ ဒေးဇူး ပါ်အာရိုန် စီမှာန်းနှာင်းအာရိုန် ရဲန်းဒေးအရာင်ပံင်ဂျေပ် စာကဲ။



အာရိုန်မာ် ဟည်ဒါးလ်ခြီးကဲဒီး ရဲန်းအရာင်ပံင်ဂျေပ် ဘာညးမက်ဒဲ အူတို။ အိတရေလကဲဒီးမာ် ဂျေပ်လ်ပေါ, အရာင်မက်ဒဲဒီး။ ဘိုန်ဇဲန်း စံပ်ဖြားမာ် ဟည် ဆိင်ဇာ်းလ်ပေါ,ခည်း တံ့ကဲ၊ စီတဂေန်းဒါ်နံင်ဒဲးတံမ်အပျဲတ် တေင်းကဲဟံ့။ ဘည်ဘာညးမာ် ဂေါ,မိုး မောဆေ ဟည်မှာန်းဒဲးဆူး စာကဲ၊ စံပ်ဖြားစီတညာ်းဒဲး ကျော့ပံင်မှာန်း မောဆေ၊ အန်းစံပ်မာ် ဘူဒဲးမ ကဲကညားတံမ်ဆိ။



ချေးမွေ့ ဆာ်ဘူရဲန်းတော၊ ဆိန်ပိင်ညာပ် ပံင်ဒဲးစံပ်ဖြားအခည်း၊ အန်းစီလို တဲးဒဲး တိုဆံတ်အူတို ပါ်ထောင်းဒီး၊ စာနံင်ပယာ်မ်းလူဒဲး တံင်စံပ်ဖြား။ ဘိုန်ဇဲန်း တားစောင်း စီနံင်ပယာ်မ်း တိုဆံတ်ဒီး စီတာင်ပွေ တံင်ပလာင်၊ စီတိုက်ဒါးငါည်း လူ။ အီးမိုး နှမ်းတိုဆံတ်ဒီး မိုးစာနံင်ပါည်းဗိုန် အပျဲတ်တူအီး နှင်းဗီးချို၊ဆငါးဒဲး တံင်လအာည်၊စံပ်ဖြားဟံင်။ စံပ်ဖြားမာ် စီရေားလာည်း အာရိန် အီးမိုးပီဒါင်း မောဆေကာည်းကော်န်းလှာန်အန်း နှင်းကဲပေန်ဟောင်း ခြိုဝ်းတားစောင်းဟံင်။



ကဲကဲဒီးပါ်ပည်မဲးမာ် ဟည်ဖောမ်းနေား ဒဲးအူန်းကတိ စာနံင်ရံပ်လာည်း တညောင်းရဲန်းတော၊ ဆိန်ပိင်ညာပ် စံပ်ဖြား၊ စာနံင်ဂျေပ်လို့ည် စံပ်ဖြားအူဆူ၊ စာနံင်ပေန်တူအီး ပံင်ရေားလာည်းအန်းစံပ်။ ဘည်ဘာည်းမာ် ဓါည်းဒဲးအူန်းကဲ တံင်ကတိဒီး ဂေါ်ည်းညျမ်လှာန်ဟံင်း၊ ကဲဟည်ဗီးရဲန်းဒဲးဘိုးအပျဲတ်ဒါင်း အန်းအီးမေ့မ်ယံဝ်းပေါ၊ခည်း။



ဘိုဝ်လည်လေးဒဲး မောဆေတော် ပျိုတောင်းနော တိန်ဒီး၊ အန်းဟည်ဒဲးယဲဝ်း အရာင်ပံင်ဂျေပ် ပံင်ရဲန်းအူန်းကဲဒီး။ ဂေါ၊မိုးဘာည်းဇဲန်း အန်းစီဆိုင်ဇာဝ်းပေါ၊ ခည်း စီငါးကလားဗိုန် မာဝ်းအယ်ချဲပ် ပံင်ကိက်အူန်းတော် ဆိန်ပိုင်ညာပ်ကိုဝ်းပါး။




ဓါည်းဒီး မောဆေ စီတဲးလ်အရာင်ပံင်ဂျေပ်ဒီး၊ တဲန်နာင်းကံပ်ဖေါင်ဖ်း စီဟပ်တိုင်အဲမ်း ဒဲးတူအီးကဲဒီး စိုင်း။ အီးမိုး စံပ်ဖြားမာ် ဟည်ဒဲးလ်ပေါ၊ ဖေးဒါင်း ဇေးလေးဒဲး တဲင်းတူအီးကဲကဲဒီး။ ဘိုန်ဇဲန်း တူအီးကဲကဲဒီးမာ် ယာ်မီးဂိုန်းပေါ၊ အည်း။



ဓါည်းဒီး မောဆေစီဗီးဟိုက်ဟောင်းဘိုး ပျိုတောင်းနော တိန်ဒီး၊ စီမှန်းဆူး နှာင်း
 စံဝ်ဖြားပျိုတ်ဒဲးအပျဲတ် တူအီးကဲကဲဒီး။ စံဝ်ဖြားမာ် ဟည်တညောင်းဒဲး ကျော့မှန်း
 ဆူး မောဆေ၊ စီပျိုတ်ဒဲး ပံင်ကလူည်၊ ပံင်ကလဲပ်ကဲ။ ဘိုန်ဇဲန်း အီးမိုး မောဆေ
 မာ် စီဗီးကိက်ဟပ်လ်ဘိုး ဆိန်ပိုင်ညာပ်ကိုင်းပါးဒီး တိုင်မာ်အီးတမာည်းအယ်ချဲပ်
 စာပံင်ငါးကလားစိုန်အန်း။ ဓါည်းဒီး စံဝ်ဖြားစီတဲ၊ယိုင်းဟောင်းလ် အိတရေလကဲ
 ပျိုညျာအရာပ် ကိုင်းဒီးအူန်းအန်းတက် ကတိစာကဲ ပျိုခညျာန်းဒိုင်း နောတိန်ဒီး။

၁၄။ ဘည့်ဘာည့်လှယ်စီး လှယ်ဟောင်း ခဲင်းဘုည့်ပါင်ဒါင်း



ကျမ်းလည်လေးဟောင်း ၁၆-၁၇၊ ကျမ်းလှယ်ဂေါ်ည့်ခဲင်းဘုည့် ၁၀-၁၄၊ ၂၀၊
၂၇၊ ကျမ်းဟောကြား ၃၄




ဓါည်းဘိုန်းဟော်ည်,အိတရေလကဲ တံ ဆိန်ပိင်ညာပ်စံင်ဖြား ပါ့ နောတိနဒီး၊
 အန်းစံင် စီအောကဲဟောင်း ပါ့ ကိုင်းခါနာန် အီးမိုးကိုင်းဒီဒဲးအူန်းအန်းတံ ကတိ။
 အီးမိုးရံင်းအုင်အူ,ဒါင်းဒီးမာ် စီအောနဲ့ဒဲး အိုန်ဒါ်နဲးဟောင်းကဲ။




စံင်ဖြား ဟည်ဒဲးအူန်းကတိ တံ့အာဘရာဟံမ်၊ အိဆဲက်၊ ယာကိုပ်၊ ဒါ်း
 အန်းနံင်ဒဲးကိုင်း ဒီအူန်းအန်းတံ့ကတိဒီး တံ့ကော်န်းလှာန်အန်းကဲ။ ဘည်ဘာည်းမာ်
 .အီးမိုးပါ့ ဒီး မိုးဒိုခြိုင်းမျိုးအီးဟည်း ဂေါ်ည်းအူန်း။ အီးစီတဲ,ဒါ်းလားတံ့ကဲ
 ခြိုင်းခါနနိဟာ်။ ခါနနိကဲဒီး ကဲအာင်ညေ့မ်မ စံင်ဖြား။ ကဲဒီးဂီရဲန်းလို့ည်
 အီးဘူမိုးဘူငါည်း၊ ကဲအာင်ညေ့မ်မ စံင်ဖြားအိမိုးအီးမှာန်အန်း။



စံဝ်ဖြားမာ် ကလောင်းတံ့အိတရေလကဲ ဒါ်; “ပဲလိလာည်းဗိုန်ဒို့ ဂါဆိင်မိုး
 ခါနနိကဲအီးဂေါ်ည်း ခဲင်းကိုင်းပံင်အူန်းအံဝ်းတံ့ကတိဒီး။ ပဲခူရဲန်း ပီဗါးတံ့ကဲ၊
 ပဲခူဂါ်,လာည်းကဲ။ ပဲလိယာ်းလှဲဝ်းဗိုန်ဒို့ အရာင်ပံင်ဂျေပ်ကဲပေါ်ပည်မဲးနား။
 ဆာ်ပဲဘူရဲန်းဘာည်းဇဲန်း ပဲနံင်ဂျေပ်ဒို့ အရာင်ပံင်ဂျေပ်ကဲဒီး၊ စာ ဒီနံင်ဂျေပ်ပဲ
 တံ့အံဝ်းနီး။”




ဘိုဝ်စာ်မးအိတရေလကဲတံာ် ပါ်ရိမ်းကိုင်းခါနာန်ဒီး၊ မောဆေစီရေးလာည်း
 တူအီးအူကိုင်းလေးအယ်ချေး ခဲင်းအိတရေလ အူကိုင်းလေးအယ်မျိုးကဲဒီး။
 အန်းစီဒဲးကဲဟောင်းယော်ယမ်တိုဝ်း ခဲင်းကိုင်းခါနာန်ဒီး စာနံင်နာ်, ဘာည်းမဲ့
 ကဲဂေါ်ည်း ဆီကဲရဲန်း။ အန်းစီဆူည်,လာ်ကဲ တိုဝ်းဘိုး စာနံင်နာ်, ခါနနိကဲဒီး
 ညှော်မးကဲအန်းဒဲးအန်းဒါင်း။




တူအီးအူကိုင်းလေးအယ်ချေးဒီး၊ ကဲမ်ဟောင်းယဲမ်တိုင်း၊ ကိုင်းခါနာန်ဒီး ဘျည်းဖိုန်းကိုင်းဆည်းပေါ၊ ဓါည်းဒီး ကဲစီဒီးဒေး။ ကဲအီးဟောင်းယဲမ်တိုင်း ကဲဒီး ကိုင်းချေးစီဒေးကလောင်းတံ့ကဲ ဒါ်း “ဘျည်းကတာည်းကိုင်းခါနာန်ဒီး အန်းချဲမ်းပေါ၊အည်း။ ပံင်တီ၊ပံင်ဆမ်းကဲမ် ပဲန်းပေါ၊ခည်းခည်း။ ကိုင်းလှိုင်းကဲမ် ကတန်းကဗျေးပေါ၊ခည်း။ တူအီးကဲမ် ပြေးဇားညွှမ်းဒါင်းပေါ၊အည်းဟံ့။ ဆာ်အဲစီဟောင်းကချင် တံ့ကဲအည်း၊ အဲနံင်ယာ်မ်းလို့ညိဒိုဒိုဟံ့။”



ခဲင်းကဲအီးဟောင်းယဲမ်တိုင်းဒီးအယ်ချေး၊ အီးမိုးယောဆု ကာည်း ကာလဲတ်မ် စီယာ်ညိ၊ကလောင်းပေါ၊အူတ်န်း ဒါ်း “မိုးအိုဝ်၊ ခါနနီကဲဒီး ကဲပြေးဒါင်းဇားခည်းခည်း။ ဘည်ဘာည်းမ် အဲနံင်ဘယ် အိုဝ်ကဲ။ ဆိမ်ဘာည်းဆံမ်ဒါ်းလာ်ဘာည်းဇဲန်း စံပ်ဖြား နံင်ဂေါ်ညိညျာအဲ ကတိုက်ကဇော်ညိဒဲးအဲ။”




ဘိုန်ဇဲန်း တူအီးဂိုန်းကဲဒီး ဟည်ဆိုင်ဇာဝ်းဒို့ တံ့မောဆေကာည်းအာရိုန်၊
 စီဒါး “ဆိမ်ဘာည်း ပါည်းဆမ်ယိုင်းဒေးယေး ပါ့ဒီဇေဝ်ဒီဟာည်းဘာည်းညေ့န်း။
 စာခူနံင်ယာမ်းခဲင်း ပါင်ကတိုက်နီး ဒဲးပီးယေး၊ ကော်န်းယေး ပေန်ခါပံင်ဆူည်၊အီး
 ပါ့နီး၊ တဆာ်ဂေါ်ည်းအူန်းလို့ည် ပါ့ကိုင်းအီဇိပ်ဒီး စီနံင်ချမ်းအူန်း။” တူအီးဂိုန်းကဲ
 ဒီးမာ် ဟည်ဆိုင်ပယာမ်းစိုန်ပေါ၊ မောဆေကာည်းအာရိုန်၊ စီဆိုင်ဇီးရော့းလာ်ဘိုး
 ချေးအန်းအီးနံင်အောက် ချေးတမာည်း စာနံင်ဇီး ပါ့ကိုင်းအီဇိပ်။



ဘိုန်ယာမ်းဇဲန်း စံင်ဖြား စီဆိုင်ဇာဝ်းပေါ့ခည်း။ ဂေါ၊မိုးဘာည်းဇဲန်း
 အန်းစံင်စီနဲဒဲး နှာင်းကဲယဲဝ်းတိုင်းအန်း ပါ့ထေင်းစံင် ဒီလည်ယဲဝ်းကအုပ်ကမိုန်ဒီး။
 စံင်ဖြား စီဒါး “ဘိုန်ဒ ယောဆုကာည်းကာလဲတ်၊ ဂါဆိုင်မိုး တူအီးအဆာက်
 အယ်ကိုင်းဟိုက်ကတဲင်းကဲ နံင်ကတူးဂေါ်ည်းဟာဝ်းလို့ည် တော၊ခဲင်းဘျည်း
 ပါင်ဒါင်းနီး တော်ကဲကံပ်ယာမ်းဟာဝ်း။ ကိုင်းပံင်ဒဲးအံဝ်း တံ့ပဲမာ်၊
 ကဲနံင်ဘူဘိုန်းမလဲပ်။”



ဘိုဝ်ယဲဝ်းတညာဝ်းကဲတတ် စံဝ်ဖြားကလောင်းဒါးဘာည်းဇဲန်း၊
 ကဲမံ ဟည်လှဲ,ပေါ,နေးကဲ။ ဂေါ,မိုးဘာည်းဇဲန်း ကဲစီတေးလတ်ဂျိုးဒါးကဲ
 လည်လေးဟောင်းကတိုက် တတ်ကိုင်ခါနာန်ဒီး။ ဂေါ,မိုး စံဝ်ဖြားညှမ်တော,ကဲ၊
 မောဆေစီဒဲးဆတိတ်ကဲဒါး နှောင်းကဲဘူဟောင်း။ ဘည်ဘာည်းမံ ကဲအာဝ်
 တညာဝ်းမ ကျော့ပံင်ဒါးမောဆေ။



ဂေါ,မိုး စံဝ်ဖြားအာဝ်တော,ကဲ အာဝ်ကဇော်ညည်ကဲ တိုင်ပါင်ကတိုက်ဒီး၊
 ကဲဆိုမ်းဒဲးပေါ, တူအီးကဲမံ ဟည်ယာမ်းဂိုန်းလတ်ပေါ,ခည်း။ အီးမိုးအိတရေလကဲ
 အန်းအီးကိုတ်ခလှိုဝ်းကဲကဲဒီးမံ ကဲစီလည်လေးဟောင်းပေါ, ဒကိုင်ခါနာန်၊ စီဂေါ်ညး
 ဟောင်းတော,ခဲင်းဘျည်းပါင်ဒါင်း ဘျည်းဖိုန်းကိုဝ်းဆာင်နမ်းဟံ့။

ဇိုဂီဂေါ်ည်းးဗီးဂေါ်ည်းးဟောင်းကဲတတ် တော,ခဲင်းဘျည်းးပါင်ဒါင်းဒီး အီးမိုး
 စံဝ်ဖြားစီတင်ချာင်ဒဲးဒို့ ပံင်လိုကဲတော်န်းမျိုး။ အန်းစံဝ်စီတယ်ပျို ညို န်း ပ္လေးလေးဒဲး
 စာကဲခမူန်း ပံင်တဲ,ဒါးအီးတတ် မန်န။ ကဲဂေါ်ည်းးအိုင်လှဲဝ်းဒီမဲ့မတ် အန်းစံဝ်
 ဟည်ပ္လေးလေးဒဲး ဆိမ်းအဂူ, စာကဲနံင်ဟိုမ်းယင်းအန်း။ ဇိုဂီဂေါ်ည်းးကဲတတ်
 ခဲင်းဘျည်းးပါင်ဒါင်း ဖိုန်းကိုဝ်းဆာင်နမ်းဒီး၊ အန်းစံဝ်ဟည်တင်ချာင်ဒဲးဘိုး
 နှာင်းတဆီးပံင်ချွဲပ်ကဲကာည်းခနဲပ်ကဲ အာဝ်ယော်ကဲအာဝ်လှဲဝ် အာဝ်တဘျိုး။



စံဝ်ဖြားစီရဲန်းဒဲး အဲမ်းလေးဒဲးခဲင်းမာဝ်း ကံပ်ပေန်ပံင်အီးမဲ့မတ်အာမ်း
 တံ့ကဲ။ အန်းစံဝ် ကံပ်ရဲန်းဒဲးစာကဲဘာည်းထန်ဖဲန်းမတ် အိတရေလကဲဒီး ဂီနတ်,
 လိုည် ကည်လည်ကလောင်း ဆမားညူးဒါး အာဝ်ပျော်နော; တံ့စံဝ်ဖြား ကာည်း
 မောဆေ။ ဘည်ဘာည်းစံမဲ့ဖဲန်းမတ် ကတိပံင်ဒဲးအူန်းအန်းစံဝ် တံ့အာဘရာဟံမ်၊
 အိဆဲတ် ကာည်း ယာကိုပ် ဆိုင်ဂီဂေါ်ည်းးဇိုင်းမန်အူန်း။



မဲးလ်အူဘော်က အိတရေလကဲ ဘူမဲးမလာ စိုင်းအဲမ်း။ ဘိုန်ဇဲန်း စံပ်ဖြားစီဒါး တံ့မောဆေ “ဒါးတံ့ကလိုန်းမာင်းဒီး၊ အဲမ်းစီနံင်လေးဒေးပေါ၊။” ဘည်ဘာည်းမာ် မောဆေ စီဘူရဲန်းမ ဘာည်းဒါးစံပ်ဖြား စီငါးဟပ်မာင်းဒီး အယ်ဘော်က၊ အန်းစီအာင်ဆော်န်အာင်ဆာင်း တံ့စံပ်ဖြား ပါ်လအာည်တူအီး ဂိုန်းကဲ။ ဘိုန်ဇဲန်း စာတူအီးကဲနံင်စိုင်း အဲမ်းမာ် ဟည်လေးဒေးပေါ၊ တံင်ခဲင်း မာင်းဒီး။ ဘည်ဘာည်းမာ် စံပ်ဖြားဟည်ဆိုင်ဇာင်း တံ့မောဆေ စီဒါး “အီးမိုး ကိုင်းပံင်ဒဲးအူန်းအံင်းကတိမာ် မည်းဘူဘိုန်းမလဲပ်။”



အိတရေလကဲဂေါ်ည်းတော၊ခဲင်းဘျည်းပါင်ဒါင်းဒီး ဟည်နိုက်ဒေးဖိုန်းကိုင်း ဆာင်နမ့်လေး။ ဘိုန်ဇဲန်း ဂါဆိုင်မိုး ကဲအီးအာင်တညာင်း ကျားစံပ်ဖြားကဲဒီးမာ် ဟည်ယာ်မးဒို့ ခဲင်းဘျည်းပါင်ဒါင်းဒီး။ စံပ်ဖြားဟည်စီးယိုင်းဟာင်းဘိုးကဲ ပါ်ရိမ်း ကိုင်း ပံင်ဒဲးအူန်းအန်းစံပ်တံ့ကတိ ဘိုးအူဘောက်။ ဇိုယာ်မးဒီး မောဆေမာ် ဟည်ဂါ်လ်ပေါ၊ခည်း။ ဂေါ၊မိုးဘာည်းဇဲန်း အန်းစီရော့လ် ယောဆု စာနံင် အောတူအီးဂိုန်းကဲဒီး။ စံပ်ဖြားမာ် ဒဲးအူန်းကတိ တံ့မောဆေ ဒါး “အံင်းနံင်ဆူည်၊ဒေး ပရောဖဲတ်အူပါး အန်းအီးဘာည်းမည်းဒီး။”



စံဝ်ဖြားစီတဲ၊ဟိုက်လ်မောဆေ ပျံစိက်နောအူဒါ၊ စီနဲအန်းတိုဝ်း၊ ကိုင်း
ပံင်ဒဲးအူန်းအန်းစံဝ်တံင်ကတိဒီး။ အီးမိုးမောဆေ ဘည်ယဲဝ်းစံမ့်တိုဝ်း၊ ကိုင်းဒီးမံ
အန်းအာဝ်ဘိုန်းမလ်လဲပ်။ ဓါည်းဒီး မောဆေမံ ဟည်ယံမ်းဟောင်း။ အီးမိုး
အိတရေလကဲမံ ဂီအူးယမ်းစာအန်း ကံပ်မိုးပေါ၊ဘျည်းအိုည်းကိုဝ်းဆည်းဟံ့။
ဘိုန်ဇဲန်း ယောဆုစီပေန်ဒဲး၊ တူအီးအောကဲအူချေး။ အန်းမံ မိုးချေးအီးအော
ပေန်အီး အူချေး၊ ဆိမ်ဘာည်းဆံမ်ဒါးလ်ဘာည်းဇဲန်း ဂေါ၊မိုး အန်းမိုး ချေးအီး
ညှေမ်စံဝ်ဖြား၊ မိုးချေး အန်းအီးတညောင်းကျော့စံဝ်ဖြားဆေဆေ။

၁၅။ ကိုင်းဒီအန်းတန်ကတိ


ယောဆု ၁-၂၄




ဘိုဝ်လှာ အီးမိုးအိတရေလကဲမာ် ဟည်စမ်းဒေးလာ် အချိုင်နံင်လဲပ်ကဲတာ် ပါ်ခဲင်းကိုင်း ပံင်ဒဲးအူန်းစံင်ဖြား ကတိတံ့ကဲဟံ့။ ယောဆု စီပွေးဟောင်းလာ် တူအီး အန်းအီးကံတ်စဲပ်းတိုဝ်းအယ်ချေး လဲပ်ဟောင်းခဲင်းလှိုင်းယေရိခေါ ပါ်ကိုင်းခါနာန်။ လှိုင်းယေရိခေါဒီး ကဲရဲန်းဒါးပေါ၊ ရဲင်းလှိုင်းအူတ်, ရဲင်းကပါ်, ကပါန်အူန်း နှာင်း ကတာ်န်းကဗျဲန်းဒို့။ အီးပဲန်းယံင်းတိုး အန်းအီးဇိုင်ရာခဲတ်ဒီး ဂေါ,မိုးအန်း ညျှမ်စံင်ဖြား၊ အန်းစီကဇော်ညည်,ဂျဲတ်ဒဲး နှာင်းအီးကံတ်စဲပ်းတိုဝ်းကာည်းဒီး ဘိုန်းလော်တ်။ ကာည်းဒီးမာ် ဒဲးအူန်းကတိ တံ့ရာခဲတ် ဒါ် “ဆာ်လှိုင်းယေရိခေါ ကတူးကညားယား လှိုင်းဒို့ ယေးနံင်ကဇော်ညည်ဂျဲတ်ဒဲး စာတူအီးခဲင်းခလဲပ်မည်းနား။”



အိတရေလကဲမာ် စီလိုခလေးဟောင်း ဆဲး လလဲင်းအဲမ်းယော်ဒန် စာနံင် ဘိုန်းလဲပ်ဇူး ပါ်ကိုင်းပံင်အူန်းတာ်ကတိဒီး။ ဘိုန်ဇဲန်း စံင်ဖြားစီဒါ်တံ့ယောဆု "ဒဲးတားစော်င်းကဲ ဟောင်းလအာည်။" စံင်ဇဲန်းတားစော်င်းကဲ ညျှေ,တိုင်ခဲင်း လလဲင်းအဲမ်းယော်ဒန်ဒီး၊ အဲမ်းအန်းဂီလှာည်ဒီးမာ် ဟည်ဇံင်းကိုတ်ဒို့ပေါ,ဟံ့။ ဂေါ,မိုးဘာည်းဇဲန်း အိတရေလကဲမာ် စီဟည်ဘိုန်းခလေးဟောင်း တိုင်ကတာည်း ခေါး။



ဓါည်းခလေးဘိုန်ဟောင်း အိတရေလကဲတ် ဒလလဲင်းအဲမ်းယော်ဒန်၊
 စံဝ်ဖြားစီကလောင်းတံ့ယောဆု ဘာည်းမဲ့နံင်လိုရဲန်း စာနံင်လဲပ်ကတိုက် တံင်
 လိုင်းဒါင်းယေရိခေါဒီး။ တူအီးကဲပါပည်မဲးမာ် တညောင်းလာည်းဒို့ ကျားစံဝ်ဖြား
 ဟံ့။ အီးမိုးကော်န်းနာန်းကာည်းတားစော်င်းကဲမာ် စီလည်လေးဟောင်းကပါ,ကပါန်
 လာ် လိုင်းဒါင်းယေရိခေါဒီး အူဆည်း အူဘော်က်၊ ကဲရဲန်းဘာည်းဇဲန်း ကံပ်မိုး
 ပေါ, ဘျည်းတောဆည်း။



ဘိုဝ်စမ်းဒဲးတံင် တံင်ဆည်းပူ၊ တူအီးကဲကဲဒီးမာ် စီလည်လေး ဟောင်း
 ကပါ,ကပါန်လာ်လိုင်းဒီး နှာင်းနိုက်ပူဘော်က်ဟံ့။ ဘိုဝ်ကပါ,ကဲတ် ဘော်က်
 လဘာ်န်းဒို့အီး၊ တားစော်င်းကဲ စီပူလာ်တူတ်,ကဲ၊ ယာမ်းဇဲန်းပေါ, အီးမိုး
 ကော်န်းနာန်းကဲဒီးမာ် စီအောင်းပါဝ်ဒို့။



ဘိုဝ်ဘာည်းတံ့ဇဲန်း အီးမိုးရဲင်းလိုင်းအူတ်, ပံင်ရဲင်းကပါ, အူန်းလှိုင်းဒီးမာ်
 ဟည်တက္ကွာ်းဇေးဒို။ အိတရေလကဲမာ် ဟည်ကယာင်လှိုင်းဒိုပေါ, တံင်လှိုင်းဒီး
 ပါပည်မဲး တော,တံဘာည်းကလောင်းအူန်းစံ်ဖြား တံ့ကဲ။ မိုးလှိုည် ရာခဲတ်
 ကာည်းတူအီးခဲင်းခလေပ်အန်းကဲ ဘိုန်းလော်တ်ဒဖေးဒီး၊ ကဲပါပည်မဲးမာ် ဟည်
 ဘိုန်းလေပ်ဂေါ်ည်းဟောင်း တော,ခဲင်းအိတရေလကဲဟံ့။ ဘိုန်ဇဲန်း တူအီး
 ကိုင်းခါနာန် ကဲအီးကိုတ်ဂေါ်ည်းကဲဒီး၊ ဘိုဝ်ယဲဝ်းတညာဝ်းကဲတံာ် ဘာည်းဘာည်း
 လှိုင်းဟောင်းလှိုင်းဒါင်းယေရိခေါဒီး ကဲမာ် မအဲးယံဝ်းကဒိုန်းဒို ပေါ,ခည်း။




ဓါည်းဒီး တူအီးကိုင်းခါနာန်ကဲကလံက် စီဒဲးဇူးပါ့ယောဆု၊ စီခလံဝ်းဒါး
 ကဲမိုးတူအီးအန်းအီးယာ်ည်,ဒဲး ပါ့ ကိုင်းဒီဒိုင်း၊ ကဲစီရိန်းဒါး နံင်ဒဲးပေန်ဘံဝ်ဖိုင်း
 တံ့ကဲ။ အီးမိုးစံ်ဖြား ဟည်တံာ်မးဒါးအူန်းတံ့ကဲ နှာင်းကဲဘူရဲန်းဘံဝ်ဖိုင်း
 တံ့တူအီးကိုင်းခါနာန်ကဲ။ ကဲကဲဒီးယာ်ည်,ဒဲး ပါ့ အရာပ်ညျာမဲးမာ် ယောဆု
 ကာည်း အိတရေလကဲ စီအာဝ်မော့,မလာ်ဒါး တံ့စံ်ဖြား၊ ဘာည်းဘာည်းမာ် ကဲဆံ
 မ ရဲန်းဟောင်းစံ်ဘံဝ်ဖိုင်း တံ့ကဲကဲဒီးဟံ့။



ဘိုဝ်ယဲဝ်းတညာဝ်းတူအီးကိုင်းခါနာန်အီးဟည်းကဲတတ် ကဲကဲဒီးဟာဝ်းရဲရဲနဲး
 ဘံဝ်ဖိုင်းတံ့အိတရေလကဲ၊ ကဲဟည်းဒဲးကတိုက်ပေါ၊ တံ့ကဲကဲဒီး။ ဘိုန်ဇဲနဲး
 ကဲကဲဒီး စီမှာန်းနှာင်းယောဆုကဇော်ညးဒဲးတံ့ကဲ။



ဘိုဝ်နာ်,ယောဆုတတ် ကဲကဲဒီး ဒဲးခလံဝ်းအန်းတံ့ဘာည်းဇဲနဲး၊ အန်းမာ်
 ဟည်းဆိုင်ဇာဝ်းပေါ,အည်းဟံ့။ ဘည်းဘာည်းမာ် အန်းစီတဲ,ကစုလတ်
 ကော်န်းနာန်းအန်းကဲ စီဟာဝ်းဇူးလတ်ပျီဂေါ်ညးကဲခည်ဆဲမ်း၊ ဘိုဝ်ဓါးဒဲးဘျည်း
 ကဲစီကတိုက်လတ် တံ့တူအီးကိုင်းခါနာန်ကဲဟံ့။



အီးမိုးစံဝ်ဖြားမာ် စီဒဲးပေါ,တူအီးကိုင်းခါနာန်ကဲ လည်ကခုည်းဒို့။ တံင်ဆင်ည်းဒီး စံဝ်ဖြားစီပွေးလေးလာ် ပျိုဝ်းဒါင်းဇေးလေး; စီကဇော်ညိုက်ဒဲးညှာခည်အိတရေလကဲ၊ အီးမိုးတူအီးခါနာန်ကဲမာ် မအဲးယာ်မးဂိုန်းပေါ့ခည်း။




စံဝ်ဖြားစီဂျဲတ်ဒဲး; နှာင်းဆာင်ည်းဇံင်းအူန်း; စာအိတရေလကဲ၊ နှာင်းကဲဘယ်တိုက်လည်လေးဟော်ညို,ဗိုန်ဒို့ တူအီးကိုင်းခါနာန်ကဲကဲဒီး။ တံင်ဆင်ည်းဒီး စံဝ်ဖြားစီဒဲး; အိတရေလကဲ ဘယ်ဒို့ကဲကဲဒီးဟာ်။



အီးမိုးတူအီးခါနာန်ကဲဒီး ကဲကံပ်ဆိုမ်းဟောင်းဘာည်းဇဲန်းမာ် စားကဲ
 အန်းအီးကိုတ်ဂေါ်ည်းကဲဒီး ဟည်ဗီးတစုတိုက်ဘိုး အိတရေလကဲ ဘိုးအူဘော်က်၊
 ဘည်ဘာည်းမာ် အီးမိုးယောဆုကာည်းအိတရေလကဲ စီဗီးတိုက်ဘယ်ဗိုန်ဒိုဘိုးကဲ
 ဟာ်။


။

ဘိုဝ်ဟော်ည်ဒိုတ် ပါင်ကတိုက်ဒီး၊ စံပ်ဖြားစီဆူည်၊ အိတရေလကဲ
 ကစုခမို်ခြိုင်းဆိခြိုင်းအန်း စီကဆောင်းဒဲး ကဲဂေါ်ည်း အရာပ်မဲ့အရာပ်အန်း
 ပါ်ခဲင်းကိုင်းဒီးဒဲးအူန်းအန်းစံတ် ကတိတံ့ကဲ။ အီးမိုးပါ် ကအူးကိုင်း ဒီးဒဲး
 အန်းစံတ်တံ့ကတိဒီးမာ် အန်းစံပ် စီဒဲးဒို နှာင်းကဲဂေါ်ည်းနိုမ်းချို။



ဘိုဝ်ဂါ,ဒေးယောဆု၊ အန်းစီတဲ,ကစုခမ္မိဒိုလ် အိတရေလကဲ ပါလအာ
 ည်,အန်း။ ဘိုန်ဇဲန်း အန်းစီဗီးရဲန်းလ်ဘိုး ကတိဆေတ်စာတမာည်းဘိုးအူ
 ဘော်က အီးမိုးပံင်ရဲန်းအူန်းစံ်ဖြား တံ့အိတရေကဲ ပါနောတိနဒိုဝ်။ အိတရေ
 လကဲမာ် ဒဲးအူန်းကတိ ဒါးနံင်ဂေါည်းတော,ဟောင်းစံ်ဖြားပါဇို၊ ဒါးနံင်နံင်ကျောင်း
 တော, ဟောင်း ဆိန်ပိင်ညာပ်အန်းစံ်ပါဇို။

၁၆။ ချေးအီးချော်တ်လာည်း လည်းလေးကဲ



အီးဝဲတ်မန်းတြား ၁-၃၊ ၆-၈




ဓါည်းယာမ်းဟောင်းယောဆု၊ အိတရေလကဲမာ် ဟည်ဘူတညာဝ်းမကျော့၊
 စံဝ်ဖြား။ တူအီးကိုင်းခါနာန်ကဲအီးကိုတ်ဂေါ်ည်းကဲမာ်၊ ကဲဘူချူလည်လေးမ။
 အီးမိုးဆိန်ပိုင်ညာပ်စံဝ်ဖြားမာ် ကဲဘူကျောင်းတော့မ။ ကဲဘူဂျေပ်မ စံဝ်ဖြားအီးမိုး
 အီးမှာန်။ ကဲဟည်ဗီးဂျေပ်ပေါ၊ ဖြားအီးဂေါ်ည်းခဲင်းကိုင်းခါနာန်ဒီး။ အိတရေလ
 ကဲဒီး ကဲနာ်လို့ည်ဒီးနော့ကဲ ရဲန်းပိုင်ဆိုင်ရဲန်းကဲ၊ ဂေါ်မိုးကဲဘူမဲး
 တားကညျားဒါင်းအီးတိုဝ်းမေန်းတောင်းကဲ။




ဂေါ်မိုးကဲအာဝ်တညာဝ်းပိုင်ဒါ်အူန်းစံဝ်ဖြား၊ အန်းစံဝ်စီဒဲးတံမ်တံ့ကဲ၊ စီဒဲး
 ကဲဆိုမ်းချေ့မ့တည်းယာန်ဆူကဲ။ အီးမိုးယာန်ဆူကဲမာ် ဟည်ဆိမ်းလာည်းဒို့ဂျိုးကဲ၊
 တိုက်ဗိုန်ဒို့ခလေပ်ဂေါ်ည်းကဲ၊ ကယာင်ပယာမ်းဗိုန်ဒို့ကဲ။ ဓါည်းဒီး ဂေါ်ည်းဒဲးဟည်
 လှာ်န်း အိတရေလကဲမာ် စီဗီးလှေ့နော့ကဲ။ ကဲစီမှာန်းဆူး တံ့စံဝ်ဖြား၊ နှာင်း
 စံဝ်ဖြား ဗီးချော်တ်လာည်းကဲ။



ဘိုန်ဇဲန်း စံဝ်ဖြားစီတိုန်းလေးဒေးလတ် တူအီးအူချေး စာနံင်ချော်တ်လာည်း
 ကဲ ဒတည်းယာန်ဆူကဲ၊ နှာင်းကိုင်းဂေါ်ည်းကဲ စီးဂေါ်ည်းနှိမ်းချို၊။ ဘည်ဘာည်းမာ်
 ကဲဟည်စီးဂျေပ်ဘိုး အရာင်ပံင်ဂျေပ်ကဲ၊ ကဲအာဝ်တညာဝ်းမ ကျေားစံဝ်ဖြား။
 ဂေါ်မိုးဘာည်းဇဲန်း စံဝ်ဖြားစီဒေးယာန်ဆူ အီးမိုးခြိုဝ်းမိဒါန်ကဲ အန်းအီးဂေါ်ည်း
 ပါ်ရိမ်းကဲဒီး စီးဘယ်ဆိမ်းလာည်းဘိုး ကဲဟာ်။




မိဒါန်ကဲ စီဆိမ်းလာည်းအူန်းပေါ၊ ဂါဆိုင်မိုးပံင်တီဆမ်းအိတရေလကဲ ပူ
 ဆာင်နမ်း။ ဘိုန်ဇဲန်း ကဲစီဟည်ကစားကဒိုန်းလတ်ပေါ၊အခည်း၊ နှာင်းယာန်ဆူကဲကဲ
 ဒီး ကံပ်ဘူဘိုန်းတိုက်လာည်းကဲ ကဲစီဟာဝ်းချိုင်းဂေါ်ည်းဒါးလတ် ပါ်ကတဲဝ်းထံမ်။
 ဓါည်းဒီး ကဲစီယာမ်းလတ်ဒါးမှာန်းဆူး တံ့စံဝ်ဖြား၊ နှာင်းအန်းစံဝ် ဒေးချော်တ်လာည်း
 ကဲ။




မဲးလာ်အူဆငညး စီမဲးလာ်တူအီးအူချွေး အန်းအီးဇိုဝ်ဂိဒေါ်နံ ၊ အန်းစီ ဘျားလာ်မဲးညှဝ်းအန်း၊ နှာင်းမိဒါန်ကဲ ကံပ်ဘူဘိုန်းတေးလာည်း။ စံင်နှာင်းပျိုပျိုန်း စီလေးဇူးပျိုဂိဒေါ်နံ စီကလောင်းဒါး "အိုဝ်ကော်န်းနာန်းချွေးအီးညှော်မ်းဒါင်း၊ စံဝ်ဖြားဂေါ်ညးအူန်းတော၊ မည်းနား။ မည်းစီ ယာ်ညးဟောင်းချော်တ်လာည်း အိတရေလကဲ ဒချေမ်းတည်း မိဒါန်ကဲနား။"




စံဝ်ဖြားစီကလောင်းတံဂိဒေါ်နံ စာနံင်ဟောင်းငါးလှဲဝ်ဇိုန် အရာင်ပံင်ဂျေပ်ကူန် အန်း။ ဂေါ၊မိုး အန်းယံဝ်း တူအီးကဲချွေးဟည်း။ အန်းစီဂေါ်ညးပည်တော်ကံပ်စာ် မ်း ခည်ဆဲမ်း။ ဘိုဝ်စာ်မ်းဒေးခည်ဆဲမ်း အန်းစီဟောင်းငါးလှဲဝ်ပွဲင်းဇိုန်ဒို အရာင် ပံင်ဂျေပ်ဒီး။ အီးမိုးပျိုကဆိုဝ်ဒီး၊ အန်းဟည်ရဲန်းပွေးအူန်း ဂါင်းပလာင်စံဝ် ဖြား စီပယာ်မ်းတိုဆံတ် လူဒေးတံဝ်ဖြား။



ဓါည်းဒီးအူဆငည်း ခည်ညျေးဇောင်းဇောင်း၊ ဘိုဝ်ဒေးယောင်းကတ် အီးမိုး
 အရာင်ပံင်ဂျေပ်ကဲ ဟည်လှိုင်ဒို၊ ကဲဟည်ဆိုင်ဇောင်းယောင်းပေါ၊ခည်း။ ဘိုန်ဇဲန်း
 ကဲစီဟောင်းဇူး ပျိုခလဲပ်ဂိဒေါန် စီရိန်းဒါးနံင်ကယာင်ပယာမ်းဗိုန်အန်း။ ဘ
 ည်ဘာည်းမာ် ကုန်ဂိဒေါန်စီဒါးတံ့ကဲ "ဆိမ်ဘာည်းပဲဆမ်ဆိုင်ကဇော်ည်ဖြားပဲကဲ
 ဒီး။ ဆာ်ကံပ်မိုးလာ် ဖြားအီးစဲတ်အီးမှာန်အန်း၊ ကဲစီနံင်ဘယ် ချဲကောင်းတိုးကဲ
 ကဒည်းကဲ။" ဂေါ၊မိုးဘာည်းဇဲန်း အီးမိုးဂိဒေါန်မာ် ဟည်ဘိုန်းလော်တ် ဒယာမ်း။




မိဒါန်ကဲကဲဒီး စီမီးဒေးဇူးဘိုး ပျို အိတရေလကဲ စာနံင်ဒေးဆိမ်းလာည်း
 ဂျိုးဂျာမ်းကဲ။ ဂေါ၊မိုးမိဒါန်ကဲဂိုန်းယောင်း ကံပ်ဘူဘယ်လာ်ဒီး ထဲန်ဂေါ်ည်းကဲ။
 ဘိုန်ဇဲန်း ဂိဒေါန်စီတဲ၊ကစုဒို အိတရေလကဲ၊ စာကဲနံင်မီးတိုက် တံ့မိဒါန်
 ကဲကဲဒီး။ ဂိဒေါန်စီမှာန်း တံ့စံပ်ဖြား ပံင်အီးမေ့မ်အာမ်းအယ်မျိုး၊ စာနံင်နာ်၊တာ်
 စံပ်ဖြားနံင်ဒါးအာင်ဒါးအန်း စာနံင်မီးချော်တ်လာည်း အိတရေလကဲ။




ဂိဒေါ်နီစီတဲးတံက်အူဖိုန် စီပွေးအူနဲး တဲင်းကတာည်း၊ အန်းစီမှာန်းဆူး
 တံ့စံပ်ဖြား နှာင်းအဲမ်းလငါန်း ဇေးခည်ညေး ဒဲးအန်းဇေးလို့ည်တဲင်းတံ
 ကဲဒီး နှာင်းဘူဇေးတဲင်းကတာည်း။ စံပ်ဖြားမာ် ဒဲးအန်းဘာည်းပေါ၊ဘာည်းမှာ
 နန်းအန်း။ စာ်မဲးဒဲးဘိုးအူဆငည်းခည်ဆဲမ်း ဂိဒေါ်နီစီမီးမှာန်းဆူးဒါးဘိုး ဒဲးနှာ
 င်းမိုးလို့ည် ကတာည်းအဲမ်း၊ ခုဒဲးတံက်ဒီးအဲမ်း။ ဘိုန်ဇဲန်း စံပ်ဖြားမာ် ဟ
 ည်ရဲန်းဒဲးဘိုး ဘာည်းမှာန်းအန်း။

အိတရေလကဲစီဒဲးဇူး ပါ့ဂိဒေါ်နီ၊ ကဲဂေါ်ည်းပေါ၊ အိုည်းမို့နဲလေး
 အယ်ဟောင်း။ စံပ်ဖြားစီဒါးတံ့ဂိဒေါ်နီ ကဲဂိုန်းယောင်း။ ဂိဒေါ်နီစီဆူည်၊ ကဲအီး
 ဘူယကတိုက် အီးဂေါ်ည်းအယ်မို့နဲလေးအယ်ဟောင်းကဲဒီး မီးဟောင်းပါ့ခလဲပ်ကဲ။
 ကံပ်မီးဟောင်းထဲန်ဇဲန်းမာ် စံပ်ဖြားစီဂိဒါး ဆိုင်ဂိဂိုန်းဘိုး။ ဂေါ၊မိုးဘာည်းဇဲန်း
 ဂိဒေါ်နီစီအူနဲးလို့ည်ကော်န်းနာန်းအိုည်ပယား၊ ဘိုန်ဒဲဒီး အန်းစီဆူည်၊ဒို့ ကဲမီးဟောင်း
 ပါ့ခလဲပ်ဆိခလဲပ်အန်း။



ချည်ဆဲမ်းဒီး စံဝ်ဖြားစီဒါးလတ်တံ့ဂိဒေါ်နဲ "မည်းယာ်ညည်,လည်လေးဟောင်း
 ပ္ဍဲတံပ်နာန်း မိဒါန်ကဲ။ ဆာ်ပဲယဲဝ်းတညာ်းဟော်ညည်, ပံင်ကအုပ်ကမိုန်ကဲ ပ္ဍဲဒီး
 ပဲမာ် နံင်ဘူယံဝ်းမဆိ ။" ဘိုန်ဇဲနဲနဲ ဂိဒေါ်နဲစီယာ်ညည်,ဟောင်းဇူးပေါ, ပ္ဍဲတံပ်နာန်း
 မိဒါန်ကဲ အန်းစီယဲဝ်းတညာ်း ပံင်ဒါးကော်နဲနာန်းမိဒါန်ကဲဒီးအူချွေး ဂိကလောင်း
 တံ့ဘံဝ်ဖိုင်းအန်း ဘည်ဘာညည်းပံင်အိအိုမ်ပါဝ်းအန်း။ အီးမိုးဘံဝ်းဖိုင်းအန်း စီဗီး
 ဒါး "ပံင်ဆိုင်ဒါးအန်း အီးမိုးပံင်အိအိုပ်ပါဝ်းမည်းဒီး မိုးဂိဒေါ်နဲ နံင်ဘာယံတံပ်နာန်းမိ
 ဒါန်အဲဟံ့။" ဓါည်းယဲဝ်းတညာ်းဂိဒေါ်နဲတံာ် ပံင်ဂိကအုပ်ကမိုန်ကာညည်းဒီး ၊ အန်း
 မာ် ခိုည်းတော,ဇိုက်ဖိုက်ပေါ, စံဝ်ဖြား။




ဓါည်းဒီး ဂိဒေါ်နဲစီဗီးဒေးဇူး ပ္ဍဲတံပ်နာန်းအန်းကဲ စီဒဲးတူတ်,ကလိုက်ကတာညည်း
 ကာညည်း ငည်းပေ, တံ့ကော်နဲနာန်းအန်းကဲ တော်နဲးချွေး။ ဓါည်းဒီး ကဲစီဟောင်းဇူး
 ပ္ဍဲဒီးအိမိဒါန်ကဲ ဂေါ်ညည်းပည်ကပါ, ကပါန်အူနဲဒို။ ဂေါ,မိုးကော်နဲနာန်းအိုည်
 ပယာ်းကဲကဲဒီး ဟပ်အူနဲးငည်းပေ,ကဲ တိုင်ခဲင်းကတဲဝ်းကလိုက်ကတာညည်းကဲ
 မိဒါန်ကဲ စီဘူယဲဝ်းမတိုဝ်းကဲ။



ဘိုန်ဇဲန်း အိတရေလကဲကဲဒီး ကဲစီငါးကလားကလိုက်ကတာည်း ပံင်ဟပ်အုန်းကဲတ် ငည်းပေ,ကဲဒီးအုတ်န်း၊ စီပူ,လတ် တူတ်,ကဲ။ ဓါည်းဒီး ကဲစီအောင်းပါဝ်ဒါးဒိုလာ် “ဘို, စံပ်ဖြားကာည်းဂိဒေါင်။”



စံပ်ဖြားစီရဲန်းဒဲးမိဒါန်ကဲ လည်ကစုည်းကဒုည်းခနားကဲ၊ ဒဲးဘိုး ကဲခနားကဲ လည်ကငါးယာ်မ်း။ စံန်ဘာည်းဇဲန်း အိတရေလကဲတ် ဟည်တဲ,လတ်ဘိုး ကဲအီးဂေါ်ည်းပျိုခလဲပ်ကဲ ဒဲးကဇောည်လှိုည်းစိုန် မိဒါန်ကဲ။ ကဲတ် ကယာင် ပယာ်မ်းစိုန် မိဒါန်ကဲ ဂိုန်းလတ်ပေါ,အည်းဟာ်။ အီးမိုးကဲအီးကိုတ်ဂေါ်ည်းအုန်း မ် ကဲဟည်လှိုည်းလည်လေးစိုန်ဒို ဒဲးအရာပ်ဂေါ်ည်းကဲဒီး။ တံင်ဆည်းဒီး မိဒါန် ကဲ ယာ်မ်းပေါ, အုဆန်လေးအယ်မိုန် ။ ဟည်မိုးပေါ, စံပ်ဖြားချော်တ်လာည်း အိတရေလကဲဟာ်။



အိတရေလကဲဒီး ကဲဆိင်ဒဲး ဂိဒေါ်န်ပေန်တားကညျားဒါင်းကဲ။ ဘည်ဘာည်းမာ်
 ဂိဒေါ်န်အာဝ်ရဲန်းတော,မ၊ အန်းစီမှာန်းလိည်တံ့ကဲ ရှိန်းပံင်တိုက်ဘိုန်းလာည်းဒဲး
 ကဲဒီး အူချေးချိုက်ချိုက်၊ ဂေါ,မိုးဘာည်းဇဲန်း ဂိဒေါ်န် စီဟည်မဲးဂိုန်းပေါ,ရှိန်း။



ဓါည်းဒီးဟည်လှာ်န်း ဂိဒေါ်န်ဟည်ရဲန်းလာ် ဇိုင်းမိုက်းရိုင်း ပံင်ဘူကျိုက်
 စံဝ်ဖြား။ အန်းစီတဲးဒါးရှိန်းပံင်ဘိုန်းအန်းကဲကဲဒီး စီရဲန်းအရာင်ပံင်ဂျေပ်
 ဂေါ,မိုးဘာည်းဇဲန်း အိတရေလကဲ ဟည်ဘူတော,မ အိုန်ဒါ်န်းဆိန်တြားစံဝ်ဖြား။
 ကဲဂီနာ်,လိည် ဂျေပ်အရာင်ပံင်ဂျေပ် ပံင်ရဲန်းအူန်း ဂိဒေါ်န်ဒီးဟာ်။



စံဝ်ဖြားစီဗီးဒဲးဘိုးတံမ် တံ့အိရေလကဲ၊ ဂေါ၊မိုးကဲဂျေပ်အရာင် ပံင်ဂျေပ်ကဲ။
 ကဲဟည်ဆိုမ်းဘိုးတံ့ယာန်ဆူကဲ။ စံဝ်ဖြားစီတိုန်းလေးဒဲးဘိုး ချေးအီးချော်တ်လာ
 ညးလည်လေးအူချေး တံ့အိတရေလကဲ တော၊တံာ်ဘာညးမှာန်းကဲ စာနံင်ဗီး
 ချော်တ်လာညးကဲ။ ကဲစီဂီနာ်၊လို့ညး ရဲန်းပံင်ကလူညး၊ စီဗီးကညားဘိုး ဒဲးတံမ်၊
 စီဗီးလှေ၊ဘိုးနေားကဲ စီကတူးဘိုး ချော်တ်လာညးဟံ့။ ကဲကတူးကညားလာ်ဘာ
 ညးဇဲန်းမာ် ဟည်ဂိုန်းပေါ၊အခည်းဟံ့။ စံဝ်ဖြားဟည်တိုန်းလေးဒဲး ချေးအီး
 ချော်တ်လာညး လည်လေးကဲ ဂိုန်းပေါ၊အခည်း စာနံင်ချော်တ်လာညး အိတရေ
 လကဲ ဒတိုင်တည်းယာန်ဆူကဲ။



ဘိုဝ်လှာအခည်း၊ အိတရေလကဲစီမှာန်းဆူး တံ့စံဝ်ဖြား ဒါး “ တိုန်းဒဲး
 တံ့ယေး တားကညားဒါင်း အူချေးနား။ ” ကဲမာ် ဆိုင်ဘိုန်း တားကညားဒါင်း၊
 နှာင်းမိုး တူအီးညော်မ်းဒါင်း၊ နှာင်းဒါင်းဇား နှာင်းအန်းဆမား အောအီးကတိုက်။
 စံဝ်ဖြားစီအာဝ်ကျိုက်မ ဘာညးမှာန်းကဲ။ ဘည်ဘာညးမာ် စံဝ်ဖြားဒဲးအိုဝ်
 တားကညားဒါင်းအူချေး တံ့ကဲ။

၁၇။ ကတိဆေတ်စာ ပံင်ရေန်းစံင်ဖြားတံဒါဇေက်



၁ဆမိုည်လ ၁၀:၁၅-၁၉၊ ၂၄၊ ၃၁၊ ၂ ဆမိုည်လ ၅၊
၇:၁၁-၁၂



တံင်ခြိုဝ်းအိတရေလနီး အီးပေန်တားကညားဒါင်း လအာည်,ဒိုအီး မိုးဆောလု
ဟံ့။ အန်းမိုးပေါ, ဘာည်းကျိုက်ဘာည်းလို အိတရေလကဲ၊ ဒါင်းဒါင်းဇားဇားမအဲး
ခိုက်ချို,ပေါ,အခည်း။ ဘည်ဘာည်းမံ အန်းစီအာတ်တညာင်းကျေားစံင်ဖြား။ ဂေါ,မိုး
ဘာည်းဇဲန်း စံင်ဖြားစီဟြာ်ည်,လာ်ဘိုးချေးဟည်း စာနံင်ကညွည် ဒီအံက်အန်းဒီး။



ချေးဒီး အန်းဇိုဝ်ဒါဇေက်။ အန်းမိုးတူအီးချိုင်းပူး အူချေး။ တိုဆံတ်ဟည်း
ကဲအီးဒဲးကံင်း ပူးအန်း အီးမိုးချင်ဆိကဲ၊ ကျေးကဲမံ အန်းဘယ်ဒို လာည်းပယာ်မံ
ဇိုန်။ ဒါဇေက်ဒီး မိုးတူအီးဆိုင်မှာန် ဆမားဆကျူ,ချေမ်းအီး၊ မိုးတူအီးညှေမ်ဖြား
တညာင်းတော,ကျေားစံင်ဖြား အူချေး။



ဒါဇေက်ဒီး မိုးတူအီးကံတ်အောအီး အာဝ်ဇါ်နး မိုးစံမ်ကော်နးနာနးပဲနးအူချွေး။ ခည်ဒဲအနး အနးကချင်ဒေးစံမ် တံ့ဂေါလိယ အီးဒါင်းဇားဘာည်းဖီလူး။ ဂေါလိယဒီး အီးမိုးတူအီးဆံန်ဒါင်းဇားဒီး၊ အနးမိုးပေါ၊ ကော်နးနာနးကံတ်အူချွေးဟံ့။ အနးဒါင်း ဇားပေါ၊ တီမ်းပေ။ ဘည်ဘာည်းမံ စံ်ဖြားစီဒဲဒါဇေက် လာည်းပယာ်မးဗိုန်အနး စီဒဲဘိုး အနးချော်တ်လာည်း အိတရေလကဲဟံ့။



ဂေါ၊မိုးဘာည်းဇဲနး ဆောလုစီနော့ဆကေး တံ့အနး စီဟြာ်ည်၊အိုန်ဒါ်နး ရီနးလံာ်ကျာမ်ပယာ်မးဗိုန် အနးဂည်ဘော်ကံ။ မဲးလံာ်အူဆငည်း ဆောလုစီဟြာ်ည်၊ စာနံင်ပယာ်မးဗိုန် ဒါဇေက်။ အနးစီလဲပ်ဟာဝ်း ပ္ဍဲခဲင်းကတံဝ်းထံမ် ပ္ဍဲဒီဂေါည်း ချိုင်းဒါဇေက်။ ဘည်ဘာည်းမံ ဒါဇေက်စီအာဝ်ပယာ်မးမ ဆောလု၊ အနးစီဆို၊ လာည်းအူနးလို့ည် တိုနးတဆီးဆောလုအီးချိုက် စာနံင်နဲဆာက်ဆေ တံ့ဆောလု ဒါးဆာ်မိုးလို့ည် စာနံင်ဘိုနးပေန်တားကညျားဒါင်း အနးအာဝ်လာည်းပယာ်မးဗိုန်မ ဆောလု။




ဂေါ်ဉ်းဒဲး၊ အီးမိုးဆောလုမာ် ဟည်ယာ်မးဟာဝ်း တိုင်ပါင်ကတိုက်ဆိုက်အူဒီ။
 ဘိုန်ဇဲန်း ဒါဇေက်စီပေန်ဒဲး၊ တားကညားဒါင်းအိတရေလကဲ။ ဂေါ၊ဒါဇေက်မိုး
 တားကညားဒါင်း ပေန်ပဲန်းအူချွေး၊ တူအီးကိုင်းလှိုင်းအန်းကဲမာ် တေးကနဲး
 ကမဲးဒိုပေါ၊အန်း။ အန်းကတိုက်ဒဲး၊ ပါင်ကတိုက်ဂိုန်းပေါ၊အခည်း၊ ဂေါ၊မိုးစံဝ်ဖြား
 ဒဲးကောင်းမင်ကလာ တာ်အန်း၊ အန်းစီဘယ်ဒိုပေါ၊အီးတော်န်းဘော်ကဲ။ အန်းစီ
 တိုက်လာည်း လှိုင်းယေရုဆလိုင် စီရဲန်းလှိုင်းဒီး မိုးလှိုင်းဒါင်းဟာ်။ ဇိုဒါဇေက်
 တိုဝ်းမေန်းဒဲးဒီး ကိုင်းလှိုင်းအိတရေလမာ် ဟည်ပေန်ဒဲးလာ်ပေါ၊ ကိုင်းချမ်း
 ကိုင်းမဲး ကိုင်းညော်မးဒါင်းအူကိုင်းဟာ်။



တားကညားဒါင်းဒါဇေက် စီဆိုင်ရဲန်းလာ်စောင်းစံဝ်ဖြား စာတူအီးကဲ
 တော်န်းချွေး နှာင်းကံပ်မဲးဒီနံင်လူ ဒီနံင်ဂျေပ်စံဝ်ဖြား။ တူအီးကဲမာ် စီလူဒဲး
 ပံင်လူ ဂျေပ်ဒဲးစံဝ်ဖြား တံင်ထေင်စံဝ် ပံင်ရဲန်းအူန်းမောဆေဒီး ကံပ်ဘိုန်းဒဲး
 ပေါ၊လာ် ဖိုန်းပယာ်ဆာင်နမ်း။

စံဝ်ဖြားမာ် ဆူညံ,ပရောဖဲတ်နာတာန် ဒဲးကလောင်းတံ့ဒါဇေက် ဒါး “ဒါဇေက်၊ ဂေါ,မည်းမိုး ချေးအီးကတိုက်ဆိုက်၊ မည်းအာဝ်ဘိုန်းမရဲန်းခလဲပ်အံဝ်း။ မိုးလို့ည ကော်န်းမည်း နံင်ဘိုန်းရဲန်းဟံ့။ ဘည်ဘာည်းမာ် အံဝ်းနံင်ဒဲးကောင်းမင်ကလာ အီးချဲမ့အီးပေန်အီးပဲန်း တံ့မည်း။ ချေးအန်းအီးနံင်အံက်တိုင်ပလောင် ခြိုဝ်းမျိုး အိတရေလကဲနီး၊ အန်းနံင်မိုးပေါ,ကဲအီးပျဲဒဲး တိုင်ခြိုဝ်းမည်းနား။ မေဆိယမာ် မိုးတိုင်ကော်န်းလှာန် မည်းအူချေးဟံ့။ မေဆိယဒါးအီးမိုးချေးပံင်ရေးအူန်းစံဝ်ဖြား စာနံင်ချော်တ်လာည်းတူအီး တေင်းကိုင်းကံမ်ဖာနီး တော်န်းချေးဟံ့။”



ဘိုဝ်ယဲဝ်းတညာဝ်းဒါဇေက်တံ ကျော့ခေါ်တည်းကဲကဲဒီး အန်းခိုည်းတော, ဇိုက်ဖိုက်ပေါ, ကေးစူးစံဝ်ဖြားအူတ်န်း။ ဆိမ်ဘာည်းဆံမ်ဒါးလတ်ဘာည်းဇဲန်း ဂေါ,မိုးစံဝ်ဖြား ဒဲးအူန်းကတိတံ့အန်း ဒါးနံင်ဒဲးကောင်းမင်ဂလာ ဂိုန်းဂိုန်းဟံ့။ ဇိုအာည်,လေးဒဲးမေဆိယဒီး ခြိုဝ်းမျိုးအိတရေလကဲ စီဂေါ်ည်းပည်နံက်အူန်းလတ် ကံပ်မိုးပေါ, ဘံင်အူဟောင်းဆာင်နမ်းအန်း။



တားကညားဒါင်းဒါဇက် စီတိုင်းမေန်းကိုင်းလှိုင်းကဲ ဆိုင်ဆိုင်မှာန်မှာန်၊
 အန်းမိုးပေါ၊ တားကညားဒါင်းပေန်ပဲန်းအူချေး။ ဘည်ဘည်းမာ် ဘိုဝ်စာ်မဲဒေး
 အချိုင် ဇိုနံင်တဟော်ညည်၊အန်း၊ အန်းဟည်ရဲန်းကလူညည်၊ကလဲပ်
 တံ့လအာညည်၊ စံင်ဖြားဟံ့။



မဲးလ်အူဆညည်း ဇိုတပဲအန်းကဲ ဂီဟောင်းကတိုက်ဆိုက်၊ အန်းစီကဆေး
 ဒေးဒဒီအိ ခည်ဆညည်းဒီး၊ အန်းစီတိုင်းယဲဝ်လ် အီးပန်းချို၊အူချေးဂီမာ်န်းအဲမ်း။
 ဇိုင်အီးပန်းဒီး စီတဲ၊ဒါးလ် ဘာတဆောဘ။




ဒါဇေက်ဒီး အန်းအာဝ်ဒါးမ နံင်ကစိင်ဒဲးစီး ဟည်ဆူည်,ဘိုးလာ် အီးဟောင်း
 တဲ,ဒဲးအီးပန်းဒီး ဒဲးဇူးပါ် အန်း။ အန်းစီအိတော,ဘာတဆေဘဒီး၊ အန်းစီဒဲးလာ်
 အီးပန်းဒီး လည်လေးစီးဟောင်း။ ဓါည်းဒီးအာဝ်လှာ်နး ဘာတဆေဘစီဆူည်,
 အီးဟောင်းကလောင်း တာ်ဒါဇေက် ဒါးအန်းဟည်တံက်တိုးဇံန်းဟာ်။



အုရိယ အီးမိုးမဲန်းဘာတဆေဘဒီး၊ အန်းမိုးကော်န်းနာန်းကံတ်အူချွေး၊
 မိုးကော်န်းနာန်း ပံင်နေားဒါင်း ဒါဇေက်ဟာ်။ ဒါဇေက်စီဆူည်,အီးဟောင်းတဲ,အုရိယ
 စီးဒဲး ဒပါင်ကတိုက်ဒီး စာနံင်ဒဲးအန်းစီးဂေါ်ည်းတော,ပီးအန်းအူဒီး ပါ်ခလဲပ်ကဲ။
 ဘည်ဘည်းမာ် အုရိယဒီး အာဝ်စီးဒဲးမ၊ ဂေါ,မိုးကော်န်းနာန်းအီးဟည်းကဲ
 ဂီကတိုက်ဆိုက်ဂေါ်ည်းအူန်းဘည်းဇဲန်း။ ဂေါ,မိုးဘည်းဇဲန်း ဒါဇေက်စီဆူည်,
 အန်းဟောင်းပါ်ပါင်ကတိုက်ဆိုက်ဒီကျာ်မး၊ ဂေါ,မိုး အန်းဆိင်ဒဲး အုရိယဒီးယာ်မး။



ဓါည်းယာမ်းဟောင်း အုရိယဒီး၊ ဒါဇေက်စီလာည်းဘာတဆေဘ အီးမိုးပီး
 အုရိယဒီး။ ဓါည်းဒီး ကာည်းစီမဲးဒဲးလ် ကော်န်းအီးမာည်းအူချေး။ စံဝ်ဖြား
 စီအော်ကျိုက်မ ဘည်ဘာည်းရဲန်းဟောင်း ဒါဇေက်ဒီး။ ဂေါ၊မိုးဘာည်းဇဲန်း
 စံဝ်ဖြား စီဆူည်လ် ပရောဖဲတ်နာတာန် ဒဲးကလောင်း တံ့ဒါဇေက်၊
 နှာင်းအန်းဗီးနလူဒို့ ပံင်ကလူည်ကလဲပ်အန်း ပါပည်မဲး။ ဘိုန်ဇဲန်း ဒါဇေက်
 စီလှေ့နေား၊ စံဝ်ဖြားမာ် စီပျိုတ်ဒဲး ပံင်ကလူည်အန်း။ တယ်ပေါ၊ခည်ယာမ်းဇဲန်း
 အန်းဘည်ကီန်းဒည်းစံမ့်ထန်မဲ့မာ်၊ အန်းနာ်လိုင်ညှေမ်အူန်းစံဝ်ဖြားဟံ့။



ဂေါ၊မိုး ဒါဇေက်ရဲန်းကလူည်ကလဲပ်၊ ကော်န်းအန်း စီကတူးညားယာမ်း၊
 ကနဲးတာန်ခိုးအန်းမာ် ဟည်ဇော်တ်ဟောင်းပေါ၊ခည်းခည်း။ ဓါည်းဒီး ခဲင်းခလဲပ်
 အန်းမာ် ဟည်ပေန်ဒဲးပေါ၊ လော်င်ကီန်းဒည်းဂည်မျိုး။ အန်းဘည်အော်မဲး
 ကတိတဲင်းစံဝ်ဖြားမာ်၊ အီးမိုးကတိစံဝ်ဖြားအည်း အန်းဂီမ်န်အူန်းတဲင်းဒါဇေက်။
 ဘာတဆေဘ စီမဲးဒဲးလ်ဘိုး ကော်န်းအီးမာည်းအူချေး အီးဇိုဝ်ဒါးဆောလမိုန်။

၁၈။ ကိုင်းလှိုင်းဒါဇေန်

၁ တားကညျားဒါင်းကဲ ၁-၆၊ ၁၁-၁၂



ဓါည်းယာမ်းဘိုန်ဟောင်း တားကညားဒါင်းဒါဇေက် ၊ အီးမိုးကော်န်းအန်း
 ဆောလမိုန် စီပေန်ဒေးတားကညားဒါင်း။ ဘိုန်ဇဲန်း စံဝ်ဖြားစီကျေားလေး
 တံ့ဆောလမိုင်၊ စီဒါ်း "မည်းမှာန်းဟံင်း ပံင်ဆိုင်ဘိုန်းမည်းခည်းခည်းတံ့အံင်း။"
 ဆောလမိုန်စီမှာန်းလို့ည် ညာန်ပိုင်ညာ တံ့စံဝ်ဖြား။ စံဝ်ဖြားမာ် ခိုည်းပေါ၊အခည်း
 စီဒေးညာန်ပိုင်ညာ တံ့ဆောလမိုန်၊ ဒေးဘို်း နှာင်းအန်းကံတ်မှယ်ဒိုအီး တေင်းကံမ်ဖာ
 နီး။ ဘိုန်ဒဇဲန်းအာဝ်ဓါ်န်း စီဒေးဘို်းဂျိုးအုက်စာနှာင်းနိုက်ကိုမ်ဒို စာအန်း။



ဆောလမိုန်စီရဲန်းပွေးစောင်းစံဝ်ဖြား ပျိုလှိုင်းယေရုဆလိုင်။ အီးမိုးချေး
 အီးဟြာ်ညာ်၊ကစုအုန်းဂျိုးဂျာမ်း စာနံင်ရဲန်းစောင်းစံဝ်ဖြားဒီး မိုးကုန်အန်းဒါဇေက်
 ဟံ့။ ဘိုန်ဇဲန်း တူအီးပါမေးမာ် ဘူဂျေပ်မစံဝ်ဖြား ပျိုထေင်းစံဝ်၊ ကဲခလာ
 ည်းဒေးဂျေပ်ဒိုစံဝ်ဖြား၊ စီပယာမ်းတိုဆံတ် လူဒေးတံ့စံဝ်ဖြား ပျိုခဲင်းစောင်းစံဝ်
 ဖြားဒီး၊ အန်းစံဝ်မာ် စီလေးဒေးဂေါ်ညးပေါ၊ ပျိုခဲင်းစောင်းစံဝ်ဖြားဒီး စီဂေါ်ညး
 တော၊ တူအီးအန်းကဲပျိုဒီး။



ဘည်ဘည်းမာ် ဆောလမိုန်စီယလို့ည် လာည်းအီးပန်း ခြိုဝ်းမျိုးဟည်းကဲ။
 အန်းခါ,လာည်းပေါ, အီးပန်း အူဟောင်း၊ အန်းအာတ်တညာဝ်းတော,မ ကျော;
 စံဝ်ဖြား။ အီးပန်းကဲကဲဒီးခိဂိုန်း မိုးအီးပန်းကိုင်းပျိုဒီဟည်း၊ ကဲမာ် တေးဒေးဂျေပ်
 ခို့ ဖြားပံင်ဂျေပ်ကဲ ပျို ကိုင်းဒီး။ ဘိုဝ်ဂါ,ဒေး ဆောလမိုန် အန်းဟည်ဂျေပ်တော,
 ပေါ, ဖြားကဲကဲဒီး။



ဂေါ,မိုးဘာည်းဇဲန်း စံဝ်ဖြားစီဆိုင်ဇာဝ်းပေါ,ခည်း တံ့ဆောလမိုန်။
 အန်းစံဝ်စီဒေးတံမ် တံ့အန်း၊ စီဒါး "အံဝ်းနံင်ကယား,ခိုန်ကိုင်းမည်း နှာင်းပေန်
 အယ်ကိုင်း ဓါည်းယာ်မးဟာဝ်းမည်း။"




ဓါည်းယာမ်းဘိုန်ဟောင်းဆောလမိုန် အီးမိုးကော်န်းအန်း ယောဘောင် စီပေန်
 ဒေးတားကညားဒါင်း။ ယောဘောင်ဒီး အန်းမိုက်ပေါ,ခည်း။ တူအီးကဲအီးဂေါ်ည်း
 ခဲင်းကိုင်းအိတရေလကဲပါပည်မဲး စီဒေးဇူးဒို ပါ ယောဘောင်၊ ကဲစီတောင် အန်းပေ
 န်တားကညားဒါင်းကဲ။ ကဲစီကလောင်းဒါ် “ခည်ဂေါ်ည်း တားကညားဒါင်း ဆောလမို
 န်၊ အန်းဆူည်, ယေးရဲန်းဇိုင်း ကိန်းကိန်းဒည်းဒည်း ဒဲန်းအာဝ်ဇါ်န်း ရိုန်းခြီးမာ်
 အန်းကဲပိုန်းပေါ,ခည်း။”




ဘိုဝ်ယဲဝ်းတညား ယောဘောင်တံဘည်းဇဲန်း၊ အန်းစီဗီးဒါ်တံကဲ
 “ဘိုဝ်မိုးတံ ဇိုအံဝ်းနီးဟာ်၊ အံဝ်းချဲန်းနံင်ဒဲး ပဲကိန်းဒည်းမှယ်ဘိုး ခူခည်မိုးတံ
 ဇိုကူန်အံဝ်း ဆောလမိုင်။ တံမပံင်နံင်ဒဲးအံဝ်း တံပဲလ်ရဲန်း ချဲန်းနံင်မှယ်ခူ
 တံမပံင်ဒဲး ကူန်းအံဝ်း။”



ခြုံဝှမ်းမျိုးအိတရေလကဲ အူကိုဝှမ်းမျိုးကဲပါမဲးမာ် ဟည်စီးကခံတ်ဒို့ တံ့ယောဘောင်။ မိုးလို့ည်ဟ်း၊ ခြုံဝှမ်းမျိုးအယ်မျိုး စီခမ်တညာဝှမ်းဟာဝှမ်း ပံင်ဒါး အန်း။ ကိုင်းဒီဂေါ်ညးခြုံဝှမ်းမျိုးအယ်မျိုးဒီး စီတဲးဒါးမိုးကိုင်းယုဒ။



ခြုံဝှမ်းမျိုးအိတရေလကဲအူကိုဝှမ်းမျိုး စားကဲအီးကခံတ် တံ့ယောဘောင်ဒီး ကဲစီတင်ဒဲး နှာင်းယေယောဘောင် ပေန်တားကညးဒါင်းကဲ။ ကိုင်းကဲဒီး စီတဲးဒါးမိုး ကိုင်းအိတရေလ။



ယေယောဘောင်ဒီး အန်းရဲန်းကခံတ် တံ့စံပ်ဖြား၊ အောဒိုတူအီးကိုင်း
 အန်းကဲ ရဲန်းကလူည်,ကလဲပ်။ အန်းဘူဒဲးမ တူအီးတိုင်ကိုင်းအန်းကဲ
 ဟောင်းဂျေပ်စံပ်ဖြား ပါ်စောင်းစံပ်ဖြား အန်းအီးဂေါ်ည်း ပါ်ကိုင်းယုဒ၊ အန်းဟ
 ည်ရဲန်းဒဲးအူန်း အရာင်ပံင်ဂျေပ်အယ်လေ့ စာကဲနံင်ဂျေပ်။

ကိုင်းယုဒ ကာည်း ကိုင်းအိတရေလကဲမ် ဟည်လည်ပေန်လ် ယာန်ဆူ
 အူကိုင်းတော,အူကိုင်း၊ ဂေါ်ည်းဂေါ်ည်းစီလည်ကတိုက် ခနားကဲဘာည်းဖဲန်း။



တားကညားဒါင်း ခဲင်းကိုင်းအိတရေလကဲပိပည်မဲး ဟာည်းမိုက်းဒို ပေါ,အခည်း။ တားကညားဒါင်းခီဂိုန်းကဲဒီးမာ် ကဲကညားအိတရေလကဲအီးဟည်း အန်းအီးဆိုင်ပေန် တားကညားဒါင်း စီးကယာင်ပယာ်မ်းစိုန်ဒိုကဲ။




အိတရေလကဲခီဂိုန်း ကာည်း တားကညားဒါင်းအိတရေလကဲကဲဒီး ကဲဟည်ဂျေပ်ဒို အရာင်ပံင်ဂျေပ်။ ကဲကည်ကည် ကလူည်,အိုင်ဟိုမ်းအီး မာင်တတ်န်း စီပယာ်မ်းကော်န်းဒဲကဲ စီရဲန်းပံင်လူ။




တားကညားဒါင်းယုဒကဲကဲဒီး စီမိုးဒို့တိုင်ခြိုဝှမ်းမျိုးကော်န်းလှာန်ဒါဗေက်။
 တားကညားဒါင်းကဲမင်ကလံက်မာ် တိုဝ်းမဲန်းကိုင်းကဲ ပေန်ပဲန်းပေါ,အခည်း။
 ကဲဂျေပ်တော,ဂေါ်ည်းတော,အိုန်ဒါ်နဲးတြားစံပ်ဖြားဆိုဝ်ဆိုဝ်။ ဘည်ဘာည်းမာ်
 တားကညားဒါင်းယုဒကဲမင်ကလံက် စီဟာည်းမိုက်းခည်းခည်း၊ အကျင်းကဲမာ်
 လဲဝ်းယာဝ်း ကဲဂျေပ်ဒို့အရာင်ပံင်ဂျေပ်။ မင်ကလံက် စီဗီးတဲး ဒါးစံမ့်ကော်န်းကဲ
 လှူဒဲး တံ့အရာင်ပံင်ဂျေပ်ကဲ။ တူအီးတိုင်ကိုင်းယုဒကဲကဲဒီး ကဲဟည်ဂျေပ်ဒို့
 ဖြားကဲအီးဟည်း ဒဇဲန်းအာဝ်ဗါ်နဲး ကဲဗီးကခံတ်ဘိုး တံ့စံပ်ဖြား။

၁၉။ ပရောဖတ်ကဲ




၁ တားကညျားဒါင်းကဲ ၁၆-၁၈၊ ၂ တားကညျားဒါင်းကဲ ၅၊ ယေရမိ ၃၈

စံဝ်ဖြားမာ် ဟည်တိုန်းလေးဒဲးဂိုန်းပေါ,အခည်း ပရောဖဲတ်ကဲ တိုင်ဆဲမင်း
 ခြိုဝ်းမျိုးအိတရေလကဲနီး။ ပရောဖဲတ်ဒါးအီး ကဲယဲဝ်းတညာဝ်းတံ့စံဝ်ဖြား
 ဘာည်းမဲ့မာ် ကဲစီစီးကလောင်း ကျားပံင်ကလောင်းစံဝ်ဖြား တံ့တူအီး။



ဇိုတားကညားဒါင်းအာဟာပ် တိုဝ်းမေနတ် ကိုင်းလှိုင်းအိတရေလကဲ၊
 စီမဲးလာ်ပရောဖဲတ်အူချွေး အန်းအီးဇိုဝ်အေလိယ။ အာဟာပ်ဒီး မိုးလာ်ပေါ,တူအီး
 မိုက်းဟာည်းဟံ့၊ အန်းဂီဆူည်,ဒဲးညောင်မ်း တံ့တူအီးကိုင်းလှိုင်းအန်းကဲ နှာင်းကဲ
 ဂျေပ်ဖြားဘာလ။ ဇိုယာမ်းဇဲန်း ပရောဖဲတ်အေလိယ စီဒဲးဒါးတံ့အန်း “ဂါအံဝ်း
 ညျမ်ဆူည်, က္လာည်းကာည်းအဲမ်းလငါန်းဇေး တိုင်ကိုင်းလှိုင်းအိတရေလနီး၊
 အီးမိုး က္လာည်းကာည်းအဲမ်းလငါန်းဒီးမာ် နံင်အာဝ်ဇေးမ။”




ဓါည်းဒီး စံဝ်ဖြားစီဆူည်,အေလိယ ဟောင်းချိုင်းဂေါ်ည်းအူန်းခဲင်းဘျည်း
 ပါ့ရိမ်းရောင်အဲမ်း။ အီးမိုးဆိမ်းကဲမာ် ဟည်ဒေါ်ဒေးဇူး ခမူန်းကာည်းယင်း တော်
 န်း ဆင်ည်း ပါ့ဂေါ်ည်းအေလိယဒီး။ အာဟာပ်မာ် စီဂီနာ်,လိည်အောကော်န်းနာန်း
 အန်းကဲ ဟောင်းဟြာ်ည်း,အေလိယဒီး။ ဘည်ဘာည်းမာ် ကဲအာပ်ယဲဝ်းမ။ ဂေါ,မိုး
 ဘျည်းဘူက္ကည်းဟည်လှာ်န်း၊ အီးမိုးရောင်အဲမ်းကဲမာ် ဟည်ဟီ,ခေါးဟောင်းဒို။



ဂေါ,မိုးဘာည်းဇဲန်း အေလိယစီဟောင်းဂေါ်ည်း ပါ့ကိုင်းအီးဂေါ်ည်းရိမ်းကိုင်း
 ကဲ။ အီးမိုးပါ့ကိုင်းဒီး စီမဲးလာ် ယားကမာည်းအူချေးကာည်းကော်န်းအီးမာည်း
 အန်း။ ဂေါ,မိုးပေန်ဖေးအဲတ်ဟိုမ်းဟာ, ပံင်ဟိုမ်းပံင်စိုင်းကာည်းမာ် ဟည်မိုးဒို
 ဟာ် ။ ဘည်ဘာည်းမာ် ကာည်းဂီမဲးအူန်းလာ်ချိုင်း အေလိယ။


ဂေါ,မိုးဘာည်းဇဲန်း စံဝ်ဖြားစီဘိုးဒဲး လှိုင်းလကောင်းကာည်းအဲမ်းပျိုင်းကဲ
 အာပ်ဇူတ်,အာပ်ဟာမ်း။ ဇိုဂီပေန်တာ် ဖေးအဲတ်ဟိုမ်းဟာ,ဒီးမာ် အီးမိုးစာကဲ
 နံင်ဟိုမ်းနံင်စိုင်းနီး အာပ်မဲးမ ယာမ်းကတဲတ်။ အေလိယမာ် ဂေါ်ည်းဟောင်းလာ်
 တော,ကဲ ကံပ်လှာ်န်းပေါ,အခည်း။




ဘိုဝ်ဟည်ဘိုန်းဒဲးအိုည်းဆောင်နမ်း ဂေါ၊မိုး စံဝ်ဖြား နံင်ဗီးဒဲးဣာည်းဇေး တိုင်ခဲင်းကိုင်းအိတရေလကဲ၊ အန်းစံဝ်စီဆူည်၊အေလိယ ဗီးဗီးဟောင်းပို ကိုင်း အိတရေလဒီး၊ စာအန်းနံင်ဟောင်းကအုပ်၊ကမိုန် တံ့အာဟာပ်ဒီး။ ဘိုဝ်ယဲဝ်း အာဟာပ်တံ အေလိယဒဲး၊ အန်းမာ်ဒါးပေါ၊ "ချေးအီးဒဲးကီန်းဒည်း ဟည်ဗီးဒဲး ဘိုး။" ဘိုန်ဇဲန်း အေလိယ စီဗီးဒါးတံ့အန်း "ချေးအီးဒဲးကီန်းဒည်းဒီး မိုးမည်း။ မည်း ဟည်စုန်းစိုန် စံဝ်ဖြားအီးမိုးအီးမှာန် စီဂျေပ်လို့ည်ဖြားဘာလ။ ဒဲးအိတရေလကဲ ပါပည်မဲး ဒဲးကစုဒို့ ပို နောကရာမေလ။"



ဘိုန်ဇဲန်း အိတရေလကဲပါပည်မဲး ကာည်း ပရောဖဲတ်ဘာလ ဖိုန်းပယား ကဲ၊ ကဲဟည်ဒဲးစာ်မီးဒို့ ပို နောကရာမေလ။ အေလိယစီဒါးတံ့ကဲ"ပဲနံင်ဂီကဘူ လည်ဟောင်းကဘူည်ဗီးနေားပဲ တော်နံင်ကံပ်လှာ်နန်းထဲန်မဲ။ ဆာ်စံဝ်ကညျား မိုးစံ ဝ်ဖြား ခည်းခည်းမာ် ပဲစီဂျေပ်အန်း။ ဆာ်ဖြားဘာလဒီး မိုးစံဝ်ဖြားခည်းခည်းမာ် ပဲစီဂျေပ်အန်း။"



ဓါည်းဒီး အေးလိယစီဒါ်းလ် တံ့ပရောဖဲတ်ဘာလကဲ “ပဲပယာ်မ်းမက် စီရဲန်းပံင်လူပဲ။ ဘည်ဘာည်းမံ ခူတိုက်ဒါးငည်း။ အံဝ်းမံ နံင်ရဲန်းဘာည်းဖဲန်း။ ဖြားမဲ့ ဆာ်ဟိုည် ဒါးငည်းမံ အန်းမိုးပေါ,စံင်ဖြားခည်းခည်းဟံ့။” ဘိုန်ဖဲန်း ပရောဖဲတ်ဘာလကဲ စီပယာ်မ်းမက် ရဲန်းလ်ပံင်လူကဲ၊ ရဲန်းလ်တော,တတ် ဘာည်းဒါ်းအေးလိယ၊ မိုးလို့ည် ကဲအာ်တိုက်မ ငည်း။



ဓါည်းဒီး ပရောဖဲတ်ဘာလကဲ စီတဲ,အောင်းပါင်လ် ပါဆငည်း ဒါ်း “အိုဝ်ဖြားဘာလ၊ မည်းတညာ်းပံင်တဲ,ယေး စီဟိုည် ဒဲန်း။” မာင်ချေးမံ ကံပ်တဲးဒါးလ်ပေါ,ဘို, ဆို,ယင်ကဲ စီအောင်းပါင်တဲ, ဖြားဘာလကဲ ။ ဘည်ဘာည်းမံ အန်းအာ်ဟိုည်ဒဲးမ။




ဘိုဝ်စ်မ်းဒဲးဘာ်နးဟိုမ်းဇိုအာ်၊ အေးလိယစီရဲန်းပံင်လူ တာ်စံင်ဖြား။
 အန်းစီတဲးဒါးပေါ၊ အဲမ်းကလိုက်ကတာည်း အူကိုဝ်းလေးအယ်ကလိုက် ကံပ်နိုက်
 စီရိုက်ဟပ် တဲင်းပံင်လူအန်း တံင်ယင်းတိုဆတ် ကာည်း ဟာ်ည်းတကည်းကဲ
 နှာင်းကံပ်အဲမ်းဒို။ ဒဇဲန်းအာဝ်ဇါ်နး အီးမိုးပျိုကတာည်း ကပါ်၊ကပါ်နရိမ်း
 ကဲကဲဒီးမာ် အန်းရိုက်ဟပ် ကံပ်အဲမ်းဒိုဒိုဟာ်။



ဓါည်းဒီးအေးလိယစီမှာန်းဆူးဒါ် “စံင်ကညျားအီးမိုးစံင်ဖြားကူန်းတားယေး
 အာဘရာဟံမ်၊ အိဆတ်ကာည်းယာကိုပ် ၊ မည်းစီနဟံင်းပေါ၊ မည်းမိုးစံင်ဖြား
 အိတရေလကဲ၊ နှဟံင်းဘိုး အံင်းနီး မိုးတူအီး ပံင်ဆူည်၊မည်း၊ မည်း ဟိုည်ဟံင်း
 စာတူအီးကဲကဲနီး နှာင်းကဲကံပ်ယဲဝ်းနာ်၊ဒို မည်းမိုးစံင်ဖြားခည်းခည်းနာ်။”



ဓါည်းဒီးအူတည် ငည်းမာ် ယာ်ည်,ပေါ, ပါ်ပျိုန်းလေးဒေး၊ ကလို,ဒို့ ယင်းကဲ၊ ဟာ်ည်းကဲ၊ ကွိုန်းမာ်းကာည်း ကတာည်းဒီးအဲမ်း ကပါ,ကပါန် ရိမ်းအိုမ် ယာင်းပလာင်ဒီးပါ်မဲး။ ဘိုဝ်ယဲဝ်းတူအီးကဲကဲဒီးတံ့ဘာည်းဇဲန်း၊ ကဲမာ် ဟည်ဒေး အံက်ဆကျူ,ဒို့ စီဒါ်း "စံင်ကညားနီး မိုးပေါ,စံင်ဖြားခည်းခည်းဟာ်။ စံင်ကညားနီး မိုးပေါ,စံင်ဖြားခည်းခည်းဟာ်။"




ဓါည်းဒီး အေးလိယ စီဒါ်း"ဂါဆိုင်မိုး ပရောဖဲတ်ဖြားဘာလ ခူဒေးကဲ ဘိုန်းဒဲင်းလော်တ်ဟာ်းခံင်ချေး။ ဂေါ,မိုးဘာည်းဇဲန်း တူအီးကဲမာ် ဟည်ကမ်းအူန်း ဒို့ ပရောဖဲတ်ဖြားဘာလကဲ။ ဘိုန်းဇဲန်း အေးလိယစီယိုင်းဟာ်းကယာင်ပယာ်မ်းစိုန်ဒို့ကဲ။




ဓါည်းဒီး အေးလိယ စီဒါ်; တံ့အာဟာပ် စီးစီးဒေးပေါ, ပါ် ကိုင်းလှိုင်းစံင်နည် ဘျည်းကွာည်းဟည်မိုးဒေးဟံ့။ ဂေါ်ည်းအူတည်ဒဲ ဘျည်းမံ ဟည်အပ်ခံင်းဒေးပေါ, ကွာည်းဒါင်းမံ စီဟည်ကွာည်းပေါ,ဟံ့။ စံင်ဖြားစီဟည်မီးရဲန်းဒဲ; ဘျည်းကွာင်း ဒေးဆေဆေ၊ အန်းစံင်မံ နဲဒဲ;စံမ့်ဆာက်ဆေဒါ်; အန်းမိုးပေါ,စံင်ဖြားခည်းခည်း။



ဓါည်းအေးလိယ၊ စံင်ဖြားစီရော့လာည်းဘိုး အေးလိဆဲ ပေန်ပရော့ဖဲတ်အန်း။ စံင်ဖြားစီဒါ်ပရော့ဖဲတ်အေးလိဆဲ ရဲန်းပံင်အီးမဲ့မ်အာမ်းကဲ ဂိုန်းလာ်ပေါ,အခည်း။ စာအူဘော်ကဲ နေမာန်အီးမိုးတားအောဒါင်းကော်န်းနာန်းကဲဒီးအူချော့; ဂီပေန်လာ် ယောကာတူတ်,တံင်တိုးအန်း။ အီးမိုးတားအောဒါင်းကော်န်းနာန်းကဲဒီးမံ အန်းစီ ယဲဝ်းလာ်တညာဝ်း အီးပန်းပံင်ဆူည်,အန်း ကလာင်းနဲအန်းနာ်, လော်င်အေးလိဆဲ ဒီး။ ဘိုန်ဖဲန်း စာအန်းနံင်ဆားနာမ်းဒဲ;ယောကာတူတ်,အန်းဒီး အန်းစီဟာဝ်းဇူး ပါ် ဂေါ်ည်းအေးလိဆဲဟံ့။ ယာမ်းဖဲန်းပေါ, အေးလိဆဲမံ ဟည်ဆူည်,လာ် နေမာန်ဒီး ဟာဝ်းဖဲပ်တိုးအန်း တိုင်ခဲင်းလလဲင်းအဲမ်းယော်ဒန် ပူးဘော်ကဲ။



ခည်ကော်အန်း နေမာန်မာ် ဆိင်ဇာဝ်ပေါ,အခည်း၊ အန်းအာဝ်ရဲန်းတော,မ
 ဘာည်းကလောင်းအေးလိဆဲ တံ့အန်း။ ဘည်ဘာည်းမာ် ဓါည်းဒီး နေးအန်း ဟည်
 ကတ္တည်၊ အန်းစီဟာဝ်ဇဲပ်လာ်တိုးအန်း ခဲင်းလလဲင်းအဲမ်းယော်ဒန်ဒီး ပူး
 ဘော်ကံပေါ,။ ဘိုဝ်ဟော်ည်,ဇဲပ်အန်းတံာ် ဟည်နိုက်ပူးဘော်ကံ ၊ အန်းစီယာ်ည်,
 လေး ဟိုက်ဒဲး ဒဲအဲမ်းဒီး အီးမိုးယောကာတူတ်,တံင်တိုးအန်းဒီးမာ် ဟည်ဂဲန်း
 ဟာဝ်ဒို။ စံပ်ဖြား မိုးအီးဒဲးယောကာတူတ်, နေမာန်ဒီး ဂဲန်းဒို။



ဆိင်ဂီမဲးအူန်းဘိုး ပရောဖဲတ်ကဲအီးဟည်းကဲ ဂိုန်းပေါ,ခည်း ။ ကဲကဲဒီးပါပ
 ည်မဲးမာ် ကဲပနံဝ်ဒဲး တံ့တူအီးကဲ နှာင်းကဲဂေါ်ည်းဟာဝ်တော,ဆိုဝ်ဆိုဝ်မှာန်မှာန်၊
 နှာင်းကဲဘူဂျေပ် အရာင်ပံင်ဂျေပ်။ ပရောဖဲတ်ကဲဒီး စီဒဲးဆတံ တံ့တူအီးကဲ
 ဒါး “လိုလှေ,နေးပဲနား၊ ဆာ်ပဲဘူလှေ,နေးတညာဝ်တော, ဘည်ဘာည်းကလောင်း
 အူန်းကဲကဲဒီး၊ အီးမိုးစံပ်ဖြားမာ် နံင်ဒဲးပေါ,တံမ်ဒါင်း တံ့ပဲ။”



ပရောဖဲတ်ကဲ ကံပဲဒဲးအူန်းကျော့ဆတိ ဘာည်းဖဲန်းမာ်၊ တူအီးကဲကဲဒီး အာဝ်နာ်,မလာ်တညာဝ်းလာည်းဒို။ ဂေါ်ည်းဂေါ်ည်း ကဲစီဂီကယာင်ငါ်းလာ် အီးမိုး ပရောဖဲတ်ကဲကဲဒီး။ မာင်ဘာ်ကဲမာ် ကဲကံမ်းပတဲတ်ယာ်မးခိုန်ပေါ့။ စာအူဘော်ကဲ အီးမိုးပရောဖဲတ်ယေရမိ ကဲစီကမ်းပျိုးဟပ်လေးတံင်အဲမ်းခိုမ်ဟီ, နှာင်းအန်း ယာ်မးဟာဝ်းတရာင်းအန်း။ အီးမိုးယေရမိဒီး စီဂျဲဂျဲစိုမ်လဲပ်ဟာဝ်း တံင်ညိုက် ခဲင်းအဲမ်းခိုမ်ဒီး။ ဘည်ဘာည်းမာ် တားကညားဒါင်းစီကဗါည်းအန်း၊ အန်းစီဗီး လာည်းလည်လေးလာ် ယေရမိတံင်ဒဲးခဲင်းအဲမ်းခိုမ်ဒီး အာည်,ယာ်မးအန်း။



ပရောဖဲတ်ကဲကဲဒီး ကဲဘည်ကတူးစံမ့်တူအီးကဲ ကအီးစံင်းကဲမာ် ၊ ကဲဂီနာ်, လိုည်ဟောကလောင်းဟာဝ်း စာစံပ်ဖြား ။ ပရောဖဲတ်ကဲ စီဟောကလောင်း ဒဲးဆတိ တံင်တူအီးကဲ စီဒါ်း "ဆာ်ပဲ ဘူနာ်,လာ်လှေ့,နော့ပဲအခည်း၊ ပဲနံင်ဆိုမ်းဟာဝ်းဒို ဟာ်။" ဘိုန်ဒဲးဖဲန်း ကတိပံင်ဒဲးအူန်းစံပ်ဖြား အီးမိုးလောင်မေဆိယ နံင်လေးဒဲးမာ် ကဲဟည်ကလောင်းဒဲးအူန်းဆတိ တံင်တူအီးကဲ။

၂၀။ ဘည်ဘည်း ကညားချူးလို့ည်း
လည်လေးဒကိုင်း
ကာည်း ဘည်ဘည်းစီးစီးဒေး



၄ ဓမ္မ ၁၇:၂၄-၂၅၊ ၂ ရာ ၃၆၊
ဧ ၁-၁၀၊ နေ ၁-၁၃




ကိုင်းယုဒကာည်းကိုင်းအိတရေလ အယ်ကိုင်းကာည်းဒီး၊ ကာည်းရဲန်း
 ကလူည်,ကလဲပ် တံ့လအာည်,စံပ်ဖြား။ အီးမိုးဆိန်တြားပံင်ဒဲးအူန်းစံပ်ဖြား
 ပါ်တဲင်းနောတိနုမ် ကဲဘူတော, ဘူတညာဝ်းမ။ ဂေါ,မိုးဘာည်းဇဲန်း စာကဲနံင်
 လှေ,နေားကဲ နှာင်းစီးဒဲးဇူး စီးဂျေပ်ဘိုးစံပ်ဖြား၊ အန်းစံပ်စီဆူည်,လတ်ပရောဖဲတ်ကဲ
 လေးဒဲးဒဲးဗျိုင်ဒဲးဆတိ တံ့ကဲဂည်ဘော်ကဲဟံ့။ ဘည်ဘာည်းမာ် ကဲအာဝ်
 တညာဝ်းမ။



ဂေါ,မိုးဘာည်းဇဲန်း စံပ်ဖြားစီဒဲးတံမ်တံ့ကဲ၊ ဒဲးကိုင်းကဲ ပါ်အယ်ကိုင်း
 လှိုင်လှိုင်ဒီး။ ကိုင်းအိတရေလမာ် ကတူးကညားကိုင်းအန်းအီးညောမ်းဒါင်းမိုက်း
 ကဆဲင်းကဆဲတ် အီးမိုးကိုင်းအာဆုရိကဲ ယာ်လှိုင်ဗိုန်ဒီးကဲ။ အာဆုရိကဲကဲဒီး ကဲ
 ဟည်ကယာင်ပယာ်မီးဗိုန် အိတရေလကဲ ဂိုန်းပေါ,အခည်း။ ဘိုန်ဒဲးဇဲန်း ကဲစီစီး
 ဆိမ်းလာည်းဒီး ဂျိုးဂျာမ်းအိတရေလကဲ စားအန်းအီးမဲးငေါးမဲးခါ်နဲးအန်းကဲ။
 ကဲဒါးစံမ့်ဘိုးငည်း တိုက်ဗိုန်ဒီးကဲပံဆိင်မိုး ပါ်ကိုင်း။

အာဆုရိကဲစီတဲ,ကစုယိုင်းလာည်းဟောင်းဒို အီးမိုးတူအီးဒါင်းကဲ၊ တူအီးချဲမ်း
 တူအီးမဲးကဲ ကာည်း တူအီးကံတ်တူအီးဆမားကဲပျို ကိုင်းအာဆုရိကဲ။ တံင်ကိုင်း
 အိတရေလမာ် ကိုတ်ဂေါ်ည်းဟ်း တူအီးဗ္ဗာန်ကဲအီးလော်တ်ဖေးယာ်မ်း။




ဓါည်းဒီး အာဆုရိကဲစီတဲ,တူအီး ကိုင်းဒီဟည်းကဲ၊ ဒဲးကဲဒဲးဂေါ်ည်း
 တံင်ကိုင်းအိတရေလဒီး။ တူအီးကိုင်းအီးဟည်းကဲကဲဒီးမာ် ဒဲးဂေါ်ည်းအိုမ်ဘည်း
 ဆားရဲန်းဒို လှိုင်းအိတရေလ အီးလှိုက်ကဲကဲဒီး၊ ကဲစီဂေါ်ည်း ခါ်,လာည်းဒိုလာ်
 အိတရေလကဲအီးကိုတ်ဂေါ်ည်းအူန်းကဲကဲဒီး။ ကဲအီးကိုတ်းလေးဒဲး တီင်ကဲကဲဒီး
 အီးစီတဲ,ဒါ်းလာ် ကဲမိုးခြိုင်းဆမာရိ။



တူအီးကိုင်းယုဒကဲမာ် ကဲကံပ်ဂီယဲဝ်း လော်င်ဘည်ဘာည်း စံဝ်ဖြားဒဲးတံမ် တံ့တူအီးကိုင်းအိတရေလကဲ၊ ဂေါ၊မိုးလိုင်ကဲ အာဝ်ရဲန်းတော၊ ပံင်ဒါးစံဝ်ဖြား တံ့ကဲ ကာည်း ကဲအာဝ်ညျေမ်အန်းစံဝ်။ ဘည်ဘာည်းမာ် တူအီးကိုင်းယုဒကဲကဲ ဒီး ဂီနာ်၊လှိုင်ဂျေပ်အရာင်ပံင်ဂျေပ်ကဲ ကာည်း ဖြားကိုင်းခါနာန်ကဲဒီး။ စံဝ်ဖြား စီတိုန်းလေးဒဲး ပရောဖဲတ်ကဲ စာနံင်ကလောင်း ဒဲးဆတိတံ့ကဲ။ ဘည်ဘာည်းမာ် ကဲအာဝ်တညာဝ်းလာည်းမ။



ဓါည်းဆိမ်းလာည်းအာဆုရိကဲတံာ် ကိုင်းအိတရေလကဲဒီး၊ ဂေါည်းဆာင်နမ်း ဟည်လှာ်နဲဒဲး အူပယာ်လေး၊ စံဝ်ဖြားစီတိုန်းလာ် နေဘုခဲတ်နေဆာ အီးမိုး တားကညျားဒါင်း ပါ့ကိုင်းဘာဘုလိုင် ဒဲးတိုက်လာ် ကိုင်းယုဒကဲ။ အီးမိုးကိုင်း ဘာဘုလိုင်ဒီး မိုးပေါ၊ကိုင်းညွာ်မ်းဒါင်း အူကိုင်းဟံ့။ တားကညျားဒါင်းယုဒမာ် စီကရော်မ်းနေား ဂေါည်းဟာဝ်းလှိုင်ချေမ်းတည်း နေဘုခဲတ်နေဆာဒီး၊ ကဲစီကတူး ဒဲးဘိုး ရှိန်းထာမ်းတော်န်းဆာင်နမ်း တံ့ကိုင်းဘာဘုလိုင်ကဲ ဂီနဲပေါ၊အခည်း။



ဓါည်းဒီးအာဝ်လှာ်နး တူအီးကိုင်းယုဒကဲမာ် စီဟည်ဗီးကခံတ်ဘိုး
 တံ့ ဘာဘုလိုင်ကဲ။ ဂေါ,မိုးဘာည်းဇဲနး ဘာဘုလိုင်ကဲမာ် ဟည်ဒေး
 ကတိုက်ဘိုး တံ့ကဲဟံ့။ ကဲစီဒေးဆိမ်းလာည်းဖ်း လှိုင်းယေရုဆလိုင်
 ဒီး၊ အီးမိုးစောင်း စံပ်ဖြားမာ် ကဲဟည်တိုက်လ္လိ,ဗိုန်၊ ဘိုန်ဒဇဲနး ဂါ
 ဆိုင်မိုးဘိုး ဂျိုးဂျာမ်းအန်းအီးမေးငေါးမေးခါ်နတော်နးမျိုးမာ် ကဲဟည်
 တေးဆိမ်းလာည်းဟောင်းဒို။




ဂေါ,မိုးတားကညားဒါင်းယုဒ ဗီးကခံတ်ဘာည်းဇဲနး စာအပျဲတ်လှေဒီး၊
 အီးမိုးကော်နးနာန်းကံတ် တားကညားဒါင်းနေဘုခဲတ်နေဆာကဲ စီကမ်းပယာ်မ်းဗိုန်ဒို
 ကော်နးတားကညားဒါင်းယုဒဒီး ပါ်လအာည်,အန်း၊ စီပအာ်,ဗိုန်ဘိုး ငါည်းအန်း။
 ဓါည်းဒီး ကဲစီယိုင်းလာည်းဟောင်းအန်း ပါ်ကဘေမ်း တိုင်လှိုင်းဘာဘုလိုင် စီ
 အူန်းအန်းယာ်မ်း ခဲင်းဒီး။



တားကညားဒါင်းနေဘုခဲတ်နေဆာ ကာည်း ကော်န်းနာန်းအန်းကဲမာ်
 ကဲစီတဲ,ယိုင်းလာည်းဟောင်း တူအီးကိုင်းယုဒကဲပါပည်မဲး; စီးဟောင်းပျိုလှိုင်း
 ဘာဘုလိုင်ကဲ။ အီးမိုးကဲအီးဖျါန်းကဲအခည်း ကဲစီဆူည်,အူန်း ဒဲးကဲရဲန်းနားပျို
 ဒီး။ ပံင်ဘာည်းဒဲးကဲနီးမိုး ပံင်ကညားချူးလှိုည်းလည်လေး; ဒကိုင်းဟာ်။



ကဲကတူးကညားချူးလှိုည်းလည်လေးဒကိုင်းဒီး မိုးဂေါ,လှိုင်းအိုင်လွဲတ်
 ပံင်ရဲန်းကလူည်,ကဲဟာ်။ ဘည်ဘာည်းမာ် ကတိပံင်အူန်းအန်းစံင် တံ့တူအီး
 အန်းကဲအခည်း စီဂီမန်အူန်း။ အန်းစံင်တိုင်းမေးတူအီးအန်းကဲတော်န်းချိုင်
 တော်န်းခါ အန်းစံင်စီတိုန်းဒဲးပရောဖဲတ်ကဲ စာနံင်ကလောင်းကျော; တံ့တူအီး
 အန်းကဲ။ အန်းစံင်ဒဲးအူန်းကတိ တံ့တူအီးအန်းကဲ ဆာ်ဘိုန်းဒဲး ပူးကိုင်းဆာ
 င်နမ်း၊ ကဲစီနံင်ဘိုန်းလာ် စီးစီးဘိုးပျိုကိုင်း ဒီအူန်းအန်းစံင်ကတိ တံ့ကဲ။



ဓါည်းဘိုန်းဒဲးတတ် ပူးကိုဝ်းဆောင်နမ်း၊ ကဲစီဗီးဗီးဒဲးစမ်မံး ပျိုကိုင်းကဲ။
ကဲစီဗီးဆားအိုမ်ဘျာည်းရဲန်းလတ် ရဲင်းလိုင်းလှိုင်းယေရုဆလိုင် ကာည်း စောင်း
စံပ်ဖြား။ ကဲဆိုင်ဂီကတူးကညားဘိုး တူအီးမျိုးဟည်းကဲ တိုဝ်းမန်းအူန်း
တောင်းကဲစံမ်မံး၊ ကဲဟည်ဘိုန်းဗီးဒဲးဂေါည်း ပျိုကိုင်းဒီအူန်းစံပ်ဖြား ကတိ
တံ့ကဲကဲ၊ ဂေါ၊မိုးဘာည်းဇဲန်း ကဲစီဘိုန်းဂျေပ်စံပ်ဖြား ပျိုစောင်းစံပ်ဖြားကဲ။